

42.
ele III
V.
OLI

XXV*

A

51

NAPOLI

C. 93



Inter libros
Josephi Maria Parascandolo
Antecessoris Regii
 A. L. N.

44
EXERCITATIONES

ACADEMICO-CRITICÆ

A D

ERITRÆÆ SIBYLLÆ

VATICINIUM

D E

H O M E R O

**E SERVATII GALLÆI DE SIBYLLIS
DISSERTATIONIBUS EXCERPTÆ,
HUNCQUE IN ORDINEM**

A B

ANTONIO MARIA GALA

**DIGESTÆ, NONNULLISQUE EJUSDEM
ANIMADVERSIONIBUS AUCTÆ.**




N E A P O L I

CIDCCCXCI.

EX TYPOGRAPHIA RAIMUNDIANA.

Superiorum permissu.



AMPLISSIMO,
SPECTATISSIMO,
EXCELLENTISSIMOQUE,
VIRO

D. THOMAE SANSEVERINO

PRIMO REGNI NEAPOLITANI
BARONI,

HISPANIARUM EXCELSIORIS ORDINIS
MAGNATI,

BISINIANI PRINCIPI
ORNATISSIMO.

&c. &c. &c.

JUDICII ELEGANTIA, CONSILIORUM
ALTITUDINE, INGENII SOLERTIA,
RERUM GESTARUM
MAGITUDINE,
HONORUM, AC VITÆ DIGNITATE
PERILLUSTRI,
LITTERARUM, AC LITTERATORUM
MÆCENATI EXIMIO,
AMANTISSIMO.

* 2 .

DOMINO, AC PATRONO SUO
GRATIOSISSIMO.

· *ANTONIUS-MARIA GALA*

EXERCITATIONES HASCE ACADEMICO-
CRITICAS

AD ERYTRÆÆ SIBYLLÆ DE HOMERO
VATICINIUM.

LUBENS, MERITOQUE

. D. D. D.

NEAPOLI

Tertio Idus Julii

MDCCXCI.

ERUDITO LECTORI

ANTONIUS-MARIA GALA

S.

*M*agna praefatio, magnum malum. Exhibeo itaque breviter tibi, Lector humanissime, hasce ad Sibyllæ de Homero vaticinium Academicas exercitationes, quas a Doctissimi, ac Eruditissimi Domini SERVATII GALLÆI de Sibyllis dissertationibus excerpti, huncque, quem vides, in ordinem digessi, ac nonnullis meis animadversionibus auxi. Quod meum est, quod Gallæi, nulla nota vides hac in opella distentum, idque, ut uno contextu fluere oratio, neque tibi passim illum rumperem, effeci; multo magis quia conscius satis eram, meas conjecturas ab illius maximam quidem, suprahumanamque doctrinam, exquisitam
pror.

prorsus , ac nimis reconditam eruditionem redolentibus , unico plane intuitu te facile cognoscere posse . Ista porro maximi facias rogo , meas vero tua benignitate , qua in aliis mihi semper soles , equi , benigne consules oro , & vale .

ERYTHRÆÆ SIBYLLÆ

DE HOMERO

VATICINIUM

ΚΑΙ ΤΙΣ ΨΕΥΔΟΓΡΑΦΟΣ ΠΡΕΤΡΥΣ ΒΡΟΤΟΣ ΕΣ-
 ΣΕΤΑΙ ΑΥΤΙΣ,
 ΨΕΥΔΟΠΑΤΡΙΣ, ΔΥΤΙΔΕΑ ΦΑΟΣ ΟΥΟΠΗΣΙΝ ΕΥ ΣΙΝ,
 ΝΟΥΝ ΔΕ ΠΟΛΥΝ ΚΑΙ ΕΠΟΣ, Θ' ΕΞΕΙ ΕΜΙΜΑΤΡΟΝ
 ΔΙΑΝΟΙΑΣ,
 ΟΥΟΜΕΙΣΝ ΔΥΣΙ ΜΙΤΓΟΜΕΥΟΣ. ΧΙΟΥ ΔΕ ΚΑΛΕΣΤΕΙ,
 ΑΥΤΟΝ, ΚΑΙ ΓΡΑΨΕΙΤΑΚΑΤ' ΙΛΙΟΥ ΕΜΕΙΝ ΑΛΗΤΟΣ,
 ΑΛΛΑ ΣΑΦΟΣ ΕΓΕΣΙΝ ΓΑΡΕΜΟΙΣ, ΜΕΤΡΩΝ ΤΕ ΚΡΑΤΗΣΕΙ.
 ΠΡΑΤΟΣ ΓΑΡ ΧΕΙΠΕΑΣΤ.Υ ΕΜΑΣ ΒΙΒΛΟΙΣ ΕΥΟΜΗΝΗ.

Latine hi versus sic sonant

*Quidam d: inde senex falsorum scriptor, & ipsam
 Mentitus patriam, nascetur lumine capius.
 Ille quidem, verum praclara mente vigebit.
 Adstringetque modis carmen prae dulce duobus*

A

Mi-

*Mixtum nominibus. Chion quoque se ipse vocabit.
Hic res Iliacas scribet non sicut habebunt,
Sed clare verbisque meis utendo, modisque,
Primus enim volvet librorum scripta meorum.*

Nunquid hæc sunt *αἰσαῖα* vera scribere,
& clare? An veraces coguntur latitare? & mendaces aperte loqui? Hæccine bona est consequentia? scribet falsa

Primus enim volvet librorum scripta meorum?

An non potest quispiam habere alicujus scripta, eaque perlegere, & tamen vera conscribere? Certe illa non repugnant, nisi velimus supponere scripta illa, quæ tenet, & quæ in usum suum confert, scatere mendaciis, quod de Sibyllinis potius, quam de Homericis concedimus. Ut vero hæc perpendere modo dignetur judiciosus lector, rogamus enixe.

EXERCITATIONES

ACADEMICO-CRITICÆ

A D

HOC ERYTHRÆÆ SIBYLLÆ

VATICINIUM

D E

HOMERO.

I. **N**on existimo, aliquempiam eorum, qui libros, & eruditionem spectare incæperunt, existere posse, quin de hoc Sibyllæ oraculo mirifica quædam sibi proponat, & si non aliis dotibus id æstimet, certe hac parte tantum non stupeat, quod satis acria diversorum ingeniorum studia annos ferme multos sollicitaverit. Quæ cum ita se habeant, & vehementer unumquemque debortari deberent, me vero nec audacissimum, nec robustissimum etiam deterrere, præ-

A 2

fer

fertim cum omnibus potius aliis rebus operam meam me addixisse ostendant studia illa juris, ad quæ modo totus incumbo; impulerunt me tamen alia quædam, & satis fortuita illa, ut hæc jam toties trita lucubrationis vestigia ipse quoque cum maxime sequeter. Verëor autem, ne quæ quondam verbis prolata, & quasi fugitiua voce enarrata ingrata non videbantur, scriptis tandem consignata, & attentius considerata vilescant, & contemnantur. At spero meliora; et, quisquis modo hæc es lecturus, quæ es humanitate nostras ut conjuncturas æqui bonique consules, rogo.

II. Dicit Sibylla, *Homerus primus voluit scripta mea*, itaque tempore Homeri primum innotuisse scripta sua vult hæc Sibylla fictitia, ut sibi antiquitatis speciem, & famam acquirat; mendacissime omnia hæc affirmantur. Homerus floruisse putatur anno mundi 3000, vel citius, sic docente Bucholzero in suo indice chronolog. Audiamus etiam hac de re differentem Sethum Calvisium: Homerum ante Romam conditam floruisse annis CLX. extat apud Gellium ex sententia Cassii, & Cornelii, & Apollodori. Herodotus

tus

tus etiam fere ad hoc tempus collimat. Dicit enim eum priorem se fuisse annis CCCCXXII. Atque ita designaret annum 3048. Aristoteles contra in tertio de re poetica, & Aristarchus habent, Homerum natum in Jonica migratione anno 2879. Qui hoc modo antiquior esset annis CLX. Philochorus apud Diogenem Laertium scribit, Homerum floruisse annis CLXXX post Trojam captam. Esset annus mundi 2947, distaretque ab hoc anno, annis XC. Vellejus vult, Homerum ante annos nongentos, & quinquaginta floruisse, & ante annos mille natum. Loquitur autem de consulatu Vinicii anno 3971. Natus igitur esset circa annum 2971. Floruisset circa annum 3021. Etiam hæc sequentia addere lubet ex Jacobi du Porti præfatione ad suam Homeri Gnomologiam: quantum mihi ex variantibus Auctorum sententiis colligere, vel potius coniecere licet (& certe in re tam crepera, & obscura

ΑΡΙΣΤΟΤΕΛΕΩΣ ΜΑΥΤΙΣ, ΟΥΤΗΣ ΕΙΚΑΖΕΙ ΚΑΛΩΣ)

Ii proxime scopum attingere videntur, qui Homerum floruisse dicunt centum circiter, & sexa-

A 3 ginta

ginta annis post Trojæ excidium , h. e. circa tempora Davidis , aut Salomonis , siquidem ex communi fere omnium Chronologorum consensu , incidit bellum Trojanum , adque Ilium captum , in ætatem Judicum Israeliticorum non procul a temporibus Jephthæ. Unde Iphigeniam quasi Jephthigeniam dictam fuisse ingeniose harrilatur vir Doctiss. Ludovic. Capellus in diatribæ de voto Jephthæ ; quadrat enim chronologia , quippe *συνεχως* erant Jephtha , & Agamemnon , nec cætera discrepant , uterque dux populi sui , & imperator exercitus , uterque victor hostium , & quod caput est , uterque circa idem tempus filiam suam immolavit , a Jephtha autem ad Salomonem totidem fere anni enumerantur , quot a bello Trojano ad Homerum , anni nempe , ut diximus plus minus CLX. Alios sin legere , aut videre velit Lector , potest adiri Aldobrandinus in notis ad Diogenem Laertium p. m. 73. a. b. deprehendet vero nihil certi de Homeri ætate illum pronunciare .

III. Verum quod a multis sæculis disputatum fuit tanquam res incerta , hanc Marshamus Anglus in chronic. can. pa. m. 412 , omnium
li-

literatorum, quod sciam, primus, claram, & certam, suo quidem iudicio, expediet: *non minus*, inquit, *obscura fuit homeri ætas, quam aut illius patria, aut Parentes, de qua erat olim questio, & vetustissima, & celeberrima, & adhuc sub iudice lis esset, si non auctoritate nostri marmoris dijudicata fuisset: Floruit Homerus sub Diogneto Athenarum rege, annis post Troja excidium 302. antequam Coroebus stadium vicerit annis 131 &c.* Favet huic sententiæ etiam Æpocha Attica, quæ 23 tantum annis, antequam floruit Lycurgus, qui cum Iphto primam omnium olympiadem instituit, memorat Homerum. Tempus autem illud est, ut diximus, tercentos ultra annos post captam Trojam. Hinc vel ex hac Lycurgi historia paulo Homerum antiquiorem Hesiodo constat; haud quippe multo proprius ad Trojani belli tempora admoverim, quippe toties ille de suæ ætatis hominibus inquit, *vix nempe decem homines simul Οἷος ὡς ἄνθρωποι ἱστί, quales nunc sunt homines, facere posse, quod tunc unus fecerit Heros.* Itaque erravit Solinus, qui nescio quo dicendi impetu inter Homerum, & Hesiodum in prima olympiade natum centum XXX. annos interfuisse

se scripsit . Rectius vero rem Vellejus non dam-
nandus historicus (tamen quidam insulse nul-
lum fuisse Vellejum suspicantur) & M. Varro
perspexere , qui nullum dubium esse , quin aliquo
tempore eodem vixerint Homerus , & Hesiodus
posteritatis memoria scriptis prodidere , quod &
ex epigrammate quodam comprobatur in tripode
illo inscripto , qui in Helicone quondam Mu-
sis positus erat . Epigramma apud Eionem sic
legitur .

Η'σίοδος Μυσῖς Ἑλικωνίῳ τὸνδ' ἀνέθηκε

Υμῶν νικητὰς ἐν Χαλκιδίῳ Ἴσιον Ὀμῆον

Hesiodus posuit Musis Heliconibus istum

Cum capen vicis divinum in Chalcide Homerum.

IV. Floruit itaque Homarus , ut e diverti-
culo in viam redeamus , sub Diogneto Athenarum
rege , anno Attico 676 per Julianæ 3807 ,
annis post Trojæ cladem 302. antequam Olym-
pia ab Iphto , & Lycurgo instituta sunt annis
23. annis 131 antequam stadium vicerit Coroe-
bus , de eo amplius non est ambigendum. Diver-
sas tamen Veterum sententias hic referre non erit
in-

injucundum. *Crates dixit*, sic referente Tatiano contra Græcos p. 166 c. Euseb. n. 980, illum floruisse ante reditum Heraclidarum intra annos 80. post bellum Trojanum, Eratosthenes post annum 100 a Traja capta, Aristarchus circa Jonicam migrationem sub Archippo Athenis Archonte, id est, post annum 150 a casu Troja; Philochorus post Jonicam migrationem, sub Archippo Athenis Archonte, annis 180. post excidium Troja. Apollodorus annos numerat 100 post Jonicam migrationem, ut sint anni 250 post Trojam. Euthymenes dicit, sic notante Clemen. Alexand. Strom. l. 1. p. 327 a., eum natum fuisse in Chio, sub Acasto, circa annum 200 post captam Trojam. Ejusdem etiam sententia fuit Archimachus, ut Cassius Hemina apud Gellium l. 17 c. 21. annis post bellum Trojanum plus centum, & sexaginta; ante Romam autem conditam, ut Cornelius Nepos annis circiter CLX. Minus a scopo abest Nepos; cæteri, quos nominavimus, nimium κατά ακροχρονισμόν peccant. Roma condita est anno per Julianæ 3061; deme annos 160, habes annum per Jul. 3801, Nepotis calculos secuti sunt scriptores Latini. Vellejus l. 1. p. 6. (Vinicio Coss.

anno

anno V. C. 983.) de Homero dixit : *Hic longius a temporibus belli, quod composuit, Troici, quam quidem rentur, absuit. Nam ferme ante annos 950 floruit, intra 1000 natus est.* Plinius l. 7. c. 16. (anno V. C. 830.) *jam ante annos prope mille Homerus.* Et Juvenalis (sub initium Nervæ, anno V. C. 850)

. *Uno cedit Homero*

Propter mille annos

Sosibius Lacon, loco supra citato, Homerum retulit ad annum octavum Charilli, cujus tutor fuit Lycurgus, Regnabat ille annos 64, post quem ejus filius Nicander annos 39. anno illius 34 primam olympiadem institutam fuisse ajunt: adeo ut esset utique Homerus annis nonaginta antequam instituta essent Olympia. Primam intellige Olympiadem, in qua Coroebus vicit: ad quam Clem. ibid. p. 336. b. ab ἀπυροπία Lycurgi. Eratosthenes numerat annos 108. Alii, Tatianus loco citato, dicunt, Homerum fuisse paulo ante olympiades, id est, annis 407. post casum Troja (Calculus iste ad primam olympiadem vulgarem
non

non recte ponitur, recte autem ad Iphicam)
Alii, majori *μταχρονισμον* peccantes, *tempus*, in-
ferius deducunt; dicentes, *Homerum fuisse aqua-*
lem Archilocho, qui floruit circa *Olympiadem*
XXIII. tempore Gygis Lydi, annis 500. post
excisam Trojam. Eadem delirant Theopompus,
& Euphorion apud Clemen. loco supra laudato,
quippe tantum quilibet a veritate distat, quan-
tum a marmore. Plura si quis velit, adeat Mar-
shamum p. 412. Edit. Londin. Fusius hæc re-
ferre volumus, ut tanto clarius pateat, quam
mendax sit hæc pseudo-Sibylla.

V. At vero postquam Homeri ætas fuerit
statuta; quo tempore vixerit, illa ac florue-
rit erit modo nobis dicendum, ut, utriusque
ætate perspecta, an potuerit Homerus carmina
sua ex illius scriptis mutuare, colligere nos in-
de possimus. Hanc Erytræam Sibyllam Erasmus
Schmidius omnium esse antiquissimam censet,
nobilissimam, & oraculorum præstantia excellen-
tissimam, & cum Noaco in Arca Diluvii tem-
pore fuisse; immo ipsam maritum, Noæ filium,
Japhetum habuisse, contendit, quas positiones
probatas videre maluissemus, quam ita simplici-

ter

ter adfirmatas. Nam quod Sybillam ipsam causæ hujus Judicem constituat, hoc nos plane rejicimus, est enim de eo quæstio, an vere hæc de se dicat pseudo-Sibylla. Scio equidem illam adfirmare lib. I. οὐκ εἶπα εὐφρῆς cum socero, *socrusque* hoc est, cum Noaco, ejusque uxore fuisse in Arca: sed hoc nos negamus; Sibyllæ, ne juranti quidem, unquam credemus sine probatione; an non absurdum est in quæstione, utrum Sibylla fuerit in Arca, audire Sibyllam ipsam illud adfirmantem, quis enim legitimus suæ causæ sit judex? sed ex voce *νυμφῆς* argumentatur Schmidius, illam esse Noachi nurum; hoc si statuere velit Schmidius, tum oporteret prius nodum hunc solvi quomodo illa sit ἀφ' αἱμάτων *de sanguine Noæ*: quod ipse Schmidius fetetur conciliari non posse, cum autem diserte ipsa Sibylla esse se de sanguine Noæ adfirmet, nescio quo temerario ausu Jesuita Crassetus putat se Blondello satisfacturum, quando maxime sibi placere dicit hanc suam conjecturam, Sibyllam hanc fuisse habitam pto Noachi nuru eo, quod urbe Noa sit oriunda, sed non vidit Crassetus, hoc statuendo, se ipsi Sibyllæ contradicere, quoniam
il-

illa se Babylone ortam esse expr^{ss}, verbis scripsit. Non putem Jesuitam ut ut sagacem melius novisse Sibyllæ locum natalem; quam ipsa Sibylla, quando ad textus corruptionem recurrit Schmidius illud pro meris nugis reputamus, ipsumque sententiam illam nunquam probaturum contendimus, dum enim Sibylla lib. 5. Orac. Babylone se ortam dicit, ipsamet ad oculum haud cum Noaco in Arca fuisse, cum diluvio Babylon fuerit posterior, ostendit. Atque hoc pacto mendax aperte reperitur Sibylla. De his plura addere non est necessum: solummodo verbum hoc addemus, si Constantino Imperatori fides sit habenda, eam proprio nomine Daphnem vocatam, an Daphne, quæ multis sæculis posterior per unum, & quadraginta dies, fuerit cum Noaco in Arca? Credat hoc Judæus Apella. An Daphne Babylone oriunda, uti hæc pseudo-Sibylla de se scribit? Dicit enim disertis verbis, etiamfi Erythræa sit vocanda, se tamen Babylone ortam: quod ipsius Sibyllæ testimonium probe observandum contra Lactantium, Apollodorum, & eorum sequaces, illam non posse dici Erythream eo, quod Erythris nata, sed quod
ibi-

ibidem sit vaticinata : quomodo Apollodorus probabit hanc esse suam concivem , quanto quidem ipsa de se testatur , se esse Babylonicam ; nunquid melius Apollodorus , quam Sibylla cujas ipsamet fuerit , sciverit ? Dionys. Halicarnas., Apollodorus apud Lactantium, Suidas , aliique multi de hujus ætate differentes hanc excidio Trojano priorem constituunt, dicunt enim, illam Graiis oraculum consulentibus vaticinatam esse belli Trojani eventum , & Æneam hanc consuluisse, auctor est Virgilius *Æneid. lib. VI.* quæ omnia , attente si considerentur , clare demonstrant , Schmidii opinionem plane futilem esse. Verum Lectorem hic monitum velim, Suidam hac de re sui oblitum fuisse quando scripsit, Sibyllam hanc quadringentis octuaginta tribus annis bello Trojano posteriorem , hæc enim assertio (quamvis aliquo modo ad Eusebii opinionem accedat, quæ illam sub regno Romuli existisse docet in suo Chronico , Romulus autem quatringentis uno , & triginta annis post bellum Trojanum regnare cœpit) & suam priorem , & Scriptorum illorum veterum , quos procul dubio legerat Suidas , opiniones , & assertiones evertit : saltem hoc nunquam conciliaverit ille , Sibyllam
Ery-

Erythræam fuisse ante, & quadringentis octuaginta tribus annis post bellum Trojanum; nec hoc pacto illa Longæva potuerit passim, ut videmus, a scriptoribus nuncupari.

XI. At quoniam de Longævitate hujus Sibyllæ mentio nunc injecta fuit, attexamus reliqua, quæ hac de re ab Auctoribus proferuntur. Virgilius illam Phæbi Sacerdotem Longævam vocat *Æneid.* lib. VI.

Hæc ubi dicta dedit Phæbi Longæva Sacerdos. Et ibidem alio loco.

Illi sic breviter fata est Longæva Sacerdos

Aristotel. in lib. de mirabil. ec. *πολυχρονίωτι παρθεῶν Virginem, quæ multos annos vixit;* vocat. Ovid. *Metam.* lib. XIV.

———— *Vivacisque antra Sibyllæ*

Intrat, & ut manes adeat per averna paternos.

Orat —————

Hinc etiam est proverbium; *Sibylla vivacior,*
ut

ut Erasmus notavit in Adagiis. Propertius lib.
I etiam proverbii modo eleg. XXIV.

At me non atas mutavit tota Sybilla

Item lib. II. eleg. II.

Et si Cumaea saccula Vatis agas

Ausonius etiam aliquo loco dicit

Vincas Cumanam tu quoque Deiphoben

Citantur etiam versus quidam veteris Poetæ, qui
pro longævitatatis exemplo proponit tres fæminas,
Hecubam, Sibyllam, Æthiam Thesei matrem

Quedam hand junior Hectoris parente :

Cumaea soror, ut puto, Sibylla ;

Æqualis tibi, quam domum revertens

Theseus reperit in rogo jacentem

Ovidius metam. lib. XIV. Sibyllam hoc modo
loquentem introducit ad Æneam.

——— *Nam jam mihi sæcula septem*

Acta vides: superest, numeros ut pulveris, æquens,

Ter centum messes ; ter centum musta videre .

Adco

Adeo ut hoc Poetæ loco constet quot annos vixerit Sibylla secundum testimonium, quod de se ipsa Æneæ dedit, nempe se mille annos victuram. Servius ad locum Virgilii Sibyllam Erythræam longævam Sacerdotem vocantis, narrat Apollinem, amore Sibyllæ captum, ei poscendi, quod vellet arbitrium dedisse: illam haustis arenis, tantum vitæ poposcisse, id Apollo fieri posse respondit, si Erythræam Insulam relinqueret, nunquam eam revisura. Venit itaque Cumas, ubi corporis viribus defecta in sola voce vitam retinuit. Quod ubi rescivissent cives illius, incertum invidia, an commiseratione, epistolam ei miserunt creta Erythræa, antiquo more, signatam, qua creta visa, statim expirasse Sibyllam narrant. Velim (in transitu ut hoc moneam, & ut simul etiam constet, Erythræam eandem esse cum Cumæa, & Cumana Sibylla) observari longævitatē, de qua nunc sermo est, & quam Sibyllæ Cumææ datam ex testimoniis adductis videmus; etiam Sibyllæ Erythrææ adtributam esse a probatissimis Scriptoribus, idque hac de causa, quod una eademque sit Cumæa, Cumana, & Erythræa Sibylla. Phlegon in longævis idem scri-

bit , Sibyllam testatam de se victuram decem
 γενας generationes . Σιβυλλα η Ερυθραια βιωσεν ετη
 αλγυν αποδεικνυτα των χιλιων ως αυτη φησιν εν τις
 χρησμοις τουδε τροπον . Hoc est Sibylla Erythræa
 vixit paulo minus mille annos, sicuti illa in ora-
 culis testatur .

VII. Versus, quibus Sibylla hoc dicit, vul-
 go corruptissimi leguntur, ideoque ex magni Sal-
 masii correctione emendatos heic adponere inu-
 tile visum non fuit . Versus autem apud Phle-
 gontem sic sonant

Εν δεκατη γενεα χαλεπον κατα γηρας εκυσα
 Μαινομενη μεν ενι θνητοις απιστα λεγουσα,
 Πατα δ' υπερ προιδουσα βρωτον δυσανασχετα κηδη
 Και τοτε μοι φθονεσας λητης επικυδεος υος
 Μαντοσυνης, παθεν δ'ε κατοικησας ελοοθ κηρ:
 Ψυχην εκλυσαι δεσμευομενην ενι λυγρω
 Σωματι, σαρκωτητη διωστεισας γεγαμαν.

Huic oraculo adscripto subdit Plegon δια ταυτε τε
 χρησμη αποδεικνυται δεκα γενεας αυτην κατ ανθρωπιν
 γεγονεναι . At in editionibus , nullum illi versus
 præferunt δεκα γενων vestigium, sic enim scribitur

Εκνεκλ-

Εκνεομένη αἰὲ Χαλεπόν κατὰ γῆρας ἔχουσα

Qui sine dubio versus licet profligatissimus, conripere nobis visus est illam de decem seculis, sive γένεαις sententiam, & legendus ut posuimus. Perperam etiam editur ultimo versu.

Σωματί σαρκουπιδί ριστώσας γέραςιν

Σαρκουπεν vocat sagittam, qua se extinctum iri ab Apolline prædicit. Decem porro generationes, mille annos efficere probat idem Phlegon ex ipsius Sibyllæ verbis, quæ in alio oraculo τεν γένεαι determinat centum annis. Versus dein, de ipsos ex Oraculo ponit (Notet hic studiosus lector oraculum hoc integrum reperiri apud Zozimum Histor. lib. II., & non extare in octo illis, quos habemus, Sibyllarum libris, ut etiam hinc videre sit, nos non habere illa Sibyllina oracula, quæ antiqui Pagani) Versus sic sonant.

Ἀλλ' ὅπου ἐν μικριστὸς ἰκὴ χρόνος ἀνδραπόμῃ

Ζωῆς εἰς εἴσιον ἑκατὸν δέκα κίχλον ὀδενσας

Μεμπησδαι Ρομαίε &c.

B 2

Sed

Sed turpissimo mendo tam in Sibyllæ versibus , quam in Phlegontis verbis εκατον δεκα legitur . Sane si γενεα decem , ac centum annis terminatur , Sibylla , quæ decem γενεας , non mille tantum annos , sed centum , ac mille vixerit , atqui Phlegon ipse tradit eam vixisse ετι ολιγον αποδιδοντα τον χιλιον non mille integros implevisse . Nam cum in decimo sæculo mortem objerit εν τη δεκατη γενεη ante impletam videtur decessisse : præterea αιωνιοι θεωριαι , vel ludi sæculares , quos celebrandos Romanis indicit eo oraculo Sibylla , non centum , ac decem annis desiniebantur , sed centum rotundis . Unde centenarius agon dicitur Hieronymo . Omnino scribendum apud Phlegontem ; τον δε γενεων Σιβυλλα ιστοριαν εκατονταδα . Et ita legendum in Sibyllæ versu

— εις ετων εκατονταδα κυκλον οδευσαι

Nihil verius , ετων εκατοντας est sæculum , γενεαιων , μικριστος χρονος ζωης ανθρωπου κυκλον οδευσαι εις ετων εκατονταδα , aliter non procedit η σινηταξις .

VIII. Aliam horum versum correctionem dedit D. Isaacus Vossius in suo de Sibyllis tractatu
cap.

cap. 9., uter autem horum Virorum felicius explicavit, Lectori judicandum relinquimus, litem enim hanc nostram non facimus: locum integrum ex Vossio heic adscribere placuit. Cum eruditi monuerint fuisse & alteram Sibillam, quam sub Alexandro magno floruisse Strabo testatur, jure aliquis existimet hujus esse versus, qui apud Phlegontem extant Trallianum scripto de Longævis. Scribit is Sibyllam hanc vixisse annis pene mille: id si sit, stultum fuerit uni ætati adscribere eam, quæ tam multis vixerit ætatibus. Ipsa de se sic scribit

Ενεα μὲν γενεαὶς χαλεπὸν κατὰ γῆρας ἔχουσα,
Μαίνομένη μὲν ἐν ἔριτοις, καὶ ἀπίστα λεγούσα

Versus sic esse concipiendos, patet ex eo, quod Plegon subjiciat, Sibyllam hanc unicuique γενεῶν attribuisse annos centum, & decem. Palam itaque est vixisse annos pene mille, cum novem γενεαὶς conficiant annos nongentos, & nonaginta. Infeliciter admodum hæc accepit, & corrigere conatur vit magnus in Solinianis. Subjungit postea hæc Sybilla se se σαρκωτική γεγαμῆναι, id est car-

nibus afflictis, & senio pene diffluentibus propter peritiam in arte vaticinandi incursum Apollinis invidiam, & ab eodem sagittis confossam iri. Antiqua enim Lectio fuit *σαρκωτην διαστειναι* *γυγαμιν*, non *σαρκωτην*, quod inepte de sagitta accipias. Pergit dein eadem Sibylla, & dicit, animam suam per aëra dilapsam pervasuram alites, & sic futurum, ut sint aptæ auguriis. Insepultum vero corpus permixtum terræ producturum herbas, quas cum depascentur pecora, fore ut extispiciis apta habeant viscera. Similia his de hac nescio, an de Delphica Sibylla ex Serapione prodidit Clemens Alexandrinus Strom. lib. 1. In sequentibus dein versibus eadem Sibylla monet Romanos, ut ludi instituantur seculares, & ut Jovi, Junoni, & alii Diis sacra fiant in campo Martio, quæ Tiberis est angustissimus, sic enim fore, ut totius potiantur Italiae. Sed vero cum tempore Alexandri Magni non tanta Romanorum apud Græcos fuerit fama, nec ipsi Romani Scriptores hujus vaticinii faciant mentionem; satis verisimiliter conficitur, versus hos non posse istius esse Sibyllæ, quæ Alexandri flo-

floruerit tempore , immo ne illo quidem extitisse tempore existimo , quo Erythras missi a Romanis fuere legati . Si enim extitissent , utique & illos Romam deportessent . Sed vero mille isti versus , qui Romam allati fuerunt , illi ab idiotis , a Judeis nempe , erant conscripti . Si quis autem Græcos , qui supersunt , Judeorum consulat versus ; prorsus , illos similes fuisse inueniet , ac fuerè veterum Christianorum carmina , quæ si unum ; & alterum excipias , istiusmodi sunt , ut Scàliger sibi in sterquilino versari videretur , quotiescunque ad ea legenda se conferret . At vero illi versus , qui apud Phlegontem sub Erythræ nomine reperiuntur Sibyllæ nihil minus , quam idiotas habuere auctores , cum & puri , & elegantes sint satis , ita ut non potuerint ab aliis , quam a linguæ græcæ peritis , & ab ipsis , quorum continent ritus , conscribi gentilibus . Non puto me male divinare , si ipsum Phlegontem horum auctorem fuisse dixero . Complura carmina , & oracula suis ille inseruit scriptis : ea , si quis legat , & cum his conferat , adeo gemella inueniet , ut vel ex ipsa similitudine unum , eundemque omnium statim agnoscat parentem . Nec

immerito, quod de Diogene Laertio, idem quoque de Phlegonte dixeris, illum ostentandorum carminum gratia suos edidisse libros. Attamen quo minus elegantes isti Phlegontis videntur versus, non debent offendere maculae aliquot, quae in illis occurrunt, quas commodè absterges ex Zozimi Hist. lib. II. Nam quo loco legitur παντογονοις μοιραις, reducendum παντογονοις, Parcae enim a nonnullis, ut a Lycophrone, maris dictae sunt filiae. Qui paulo post sequitur inquinatissimus versus sic reformandus

..... Ανδι δὲ γαμιν

Πληθοντων χοιρος τε καὶ υς ιροτομελῆνα.

Ambarvale enim intelligit sacrificium, quod porca foecunda, & gravida fieri consueverat. Προμισια δεχθω, melius apud Zozimum ισα δεδεχθω. Denique postea scribe

Ο'υρανιδαις ταδὲ παντα τεθνηταυρισμενα κεισθω

Ο'ρφα τε θηλυτερησι καὶ ανδραστιν εδριουσι

Ha-

Hactenus Doctiss. Vossius . Sed quis felicius manum medicam his attulerit , docto , ac erudito Lectori dijudicandum relinquimus .

IX. Ex his omnibus , quæ hactenus ex scriptoribus ellegata sunt, constat non solum de Sibyllæ longævitate, verum etiam quot vixerit annos, & speciatim illam eandem esse cum Cumæa, & Cumana. De hac Sibylla Erythræa, quoniam Aristoteles πολυχρονιστάτην dicit, inquiramus ad quodnam usque tempus vixerit . Audivimus Phlegonem dicentem, illam decem *γυναῖς* integras non implevisse : ipsam vero Sibyllam adfirmantem se mille annos victuram : si Schmidio fides habenda esset, illam cum Noato socero, & Japheto marito suo in Arca fuisse tempore diluvii, & Sibylla cum dicat annos mille se superstitem futuram ; oportet, ut secundum Sibyllam ipsam vixerit tantum usque ad annum Mundi 1657, vel etiam aliquantum temporis minus, quantoquidem tum maritata fuit secundum Schmidium . Diluvium, ut scribit Bucholcerus in sua chronologia incidit in annum 1657, si mille anni, aut aliquot minus addantur, numerus indicatus repetietur . Sed ex La-
ctan-

Quæntio, aliisque probatis Scriptoribus videmus illam Graiis Ilium petentibus vaticinatam fuisse perituram esse Trojam; & Homerum mendacia scripturum: Quæ verba probe sunt notanda. Si Erythræa Sibylla Graiis belli Trojani eventum prædixit; dicendum illam vixisse non decem sæculis, sed mille centum, & viginti duo annos. Nam secundum eundem Bucholcerum annus primus belli Trojani incidit in annum Mundi 2779. Alstedius floruisse hanc Sibyllam anno Mundi 2730. scribit in chronol. sua p. 1471. Hæc si vera est computatio; mendax deprehenditur Sibylla, se cum Noaco in Arca fuisse adfirmans, uti ostensum est ante. D. Augustinus lib. XVIII. c. XXIII. de C. D. tempore, dicit, *Ezechia Sibyllam Erythræam vaticinatam fuisse ferunt nonnulli*. Idem ibidem in fine, *nonnulli sane Erythræam Sibyllam non Romuli, sed Trojani belli tempora fuisse, scripserunt*. Notandum porro Isidorum Hispalensem in chronico suo scripsisse, tempore separationis decem tribuum a reliquis duabus h. e. tempore Jeroboami, Sibyllam Erythræam illustrem fuisse. Hoc certe si verum sit, & cum Schmidii opinione jungendum, tempore Diluvii Ery-

Erythræam extitisse, & vixisse usque ad Jeroboami tempora, certe longæva fuerit, oportet: ad minimum enim vixerit 1321 annos. Quis unquam tantam ætatem homini tribuat? Mathusalem non vixit mille annos, & hæc, postquam Deus arctiores vitæ limites constituit, vixerit mille tercentos unum, & viginti annos? quis tam impudenter audeat mentiri? satis longæva fuit, si mille annos impleverit Sybilla, uti de se prædicat, illud vitæ tempus sibi assignatum, sed & hoc nos negamus tantum temporis vixisse Sibyllam. Plegon testatur, ut supra audivimus, mille annos non implevisse, sed decimo seculo non completo, abiisse ad plures. Moses testatur suo tempore periodum vitæ humanæ ad summum extendi ad *octoginta annos*. Et hæc Sibylla post Mosem vixisset etiam aliquot secula post mille annos? Sed hoc Græciæ mendaci adscribo. Nul- lum inter mortales mille annos attigisse, certum est ex sacra historia; atque hoc Sapientissimus Deus eo fine sic disposuit, uti volunt nonnulli, ut homines docerentur, ut ut longa fuerit patrum primorum vita, attamen fuisse brevem, quoniam mille anni coram Domino sunt tantum dies

dies unus, & hoc pacto homines addiscere possent, se ne diem quidem integrum coram Domino vixisse.

X. Hanc porro Erythræam Sibyllam Regi Tarquinio novem libros obtulisse, & pro ils tercentos aureos postulasse, auctor est Lactantius, quibus verbis scriptor elegans indicat, illam extitisse, ac vixisse tempore Tarquinii, sive ille fuerit Priscus; aut Superbus; videamus itaque an de hac Sibylla possit hoc affirmari, ut hoc pacto etiam, de tempore, quo floruerit, constet. Si ex Schmidii sententia Sibylla Erythræa cum Noaco diluvii tempore degerit in Arca; statuendum erit Sibyllam hanc (si ab illa Tarquinio Prisco oblatos volumus libros Sibyllinos) vixisse septem, & decem secula (si vero illam volumus obtulisse libros Tarquinio Superbo) tum vixerit ad minimum circum circa octodecim secula. Diluvium, ut supra notavimus, incidit in annum mundi 1657. Tarquinius Priscus, ex supputatione Bachelceri, ad regnum pervenit anno mundi 3359. Tarquinius Superbus olympiade sexagesima prima anno mundi 3439; quis unquam audivit hominem vixisse septendecim, aut octodecim secula? Ipsa Sibylla dixit

xix *Ænææ*, se mille annos victuram: itaque hoc pacto Sibylla, quæ in Arca cum Noaco fuisse statuitur, non potest dici attingisse tantam ætatem, ut Tarquinio sive Prisco, sive Superbo, possit dici obrulisse libros. Putat etiam Doctissimus Alstedius floruisse hanc Sibyllam anno mundi 3339. quantoquidem autem nullius rationibus fultam videmus ejus assertionem, pro conjectura habendam pronunciamus: quemadmodum etiam illam opinionem, Sibyllam Erythræam protulisse carmen ænigmaticum de materia lapidis Philosophorum; indicari enim debuerat illud carmen & ubinam reperiatur, legendumque extet, sed hoc hæcenus indicatum non vidimus. Videamus etiam nunquid hæc Erythræa, quæ, ex plurimorum scriptorum sententia, consulta fuit ab *Ænææ*, dicenda sit prorogasse, aut prorogare potuisse vitam usque ad tempora Tarquinii Prisci, aut Superbi. Graüs Ilium petentibus, Trojani belli successum prædixit Sibylla Erythræa, itaque bello Trojano anterior statuenda. Annus primus belli Trojani secundum Bucolcerum incidit in annum Mundi 2779. Annus regni Tarquiniorum, in annos mundi, uti dictum, 3357, 3439; ad mi-

minimum itaque vixisset (si supponatur illam tum temporis ad viginti , & duorum annorum ætatem pervenisse , cum consuleretur ab *Ænea*) sexcentos annos , quod vitæ spatium nullus hominum illius temporis attigit ; Deus enim ad arctiores , ut supra diximus , terminos , ætatem hominum restrinxerat . Si vero Sibyllæ credendum esset apud Ovidium ad *Æneam* loquenti , se , cum ab eo compelleretur , vixisse secula septem , & tantum adhuc tria secula rastare ; nullo modo dici potest , hanc Tarquinio obtulisse libros Sibyllinos . Nam a bello Trojano usque ad Tarquinium Priscum anni effluerunt 678 , hos sexcentos septuaginta octo annos . si addamus ad septem illa secula , de quibus Sybilla fuit locuta , erunt mille trecenti septuaginta octo anni , quod tempus , ut ut longæva fuerit Sibylla , vixisse non potuit . Si tantum adhuc trecentos annos vitam prorogare Sibylla debebat , cum ab *Ænea* ante bellum Trojanum consuleretur , tum omnino dicendum erit , Sibyllam obisse novendecim annos post Homeri obitum , hoc est , anno mundi 3079 , & plus , quam trecentos annos ante Tarquiniorum dominationem , ideoque evidentissime constare pu-

putamus Erythream hanc non posse dici Tarquinio sive Prisco, sive Superbo obtulisse oracula Sibyllina: itaque si Erythræam velint obtulisse libros oraculorum Tarquinio, duæ erunt statuendæ Sibyllæ Erythrææ: una quæ Græcis Ilium perentibus fata Trojana prædixit; altera recentior, quæ Tarquinio oracula venalia obtulit, sed hæc opinio fide dignis testimoniis caret, ideoque rejicienda videtur. Solinus testatur Erythræam Sibyllam quinquagesima Olympiade rebus Romanis interfuisse, atque obtulisse Tarquinio Superbo libros; sed hoc statui non posse supra ostendimus, hoc enim si statuatur, dicendum erit Erythræam Sibyllam vitam prorogasse non solum usque ad principium regni, verum etiam ad tempus mortis Tarquinii Prisci, qui circa illud tempus quinquagesimæ Olympiadis, hoc est a morte Ænææ 600 fuit occisus, quod sine maxima absurditate dici non posse, jam antea fuit ostensum.

XI. Quibus ex omnibus, licet quonam tempore hæc Erythræa Sibylla vixit, ac floruit, statui non potuerit; ad oculum tamen, ut opinor, ostendimus, eorum omnium sententias, qui ejus ætatem

ætatem ante Homerum constituere , refellendo ,
 illam , si unquam extitisse credendum erit , post
 Homeri quidem fata floruisse . Quomodo itaque
 hic ex illius scriptis potuit carmina sua , ut
 ipsamet Sibylla gloriatur , mutuare ? Quis unquam
 demonstret quænam sint illa , quæ Homerus ex
 Sibyllinis scriptis libris suis inseruit ? Quapropter
 satis mirari non possumus inter liberatos reperiri ,
 qui credant Homerum Sibyllam esse imitatum ,
 ejusque hemistichia multa Poesi sua inseruisse ; cum
 Sibylla , vel potius illi , qui Sibyllinum nomen sibi
 arrogarunt , ex Homero deprompsisse certum sit ,
 hoc tantum scopo , ut prior Homero videretur
 Sibylla , & falsa illa oracula cariori divenderentur
 pretio . Falsum est , Sibyllam hanc Homero anti-
 quiozem , testantur Scriptores Homero neminem
 inter Græcos Poetas veteriorem . Diodorus Siculus
 Biblioth. lib. XVI. Μαρτυρε παρειχεται τον υπεραν-
 στατον και αρχαιοτατον των ποιητων Ομηρον . Item .
 Α'ρχαιοτατον και μεγαστον των ποιητων Ομηρον . He-
 cædotus in Euterpe . Η'σιόδου γαρ και Ομηρον ηλι-
 κιον τετρακοσθις εστι δοκει μιν πρεσβυτερες γενεσθαι
 και κ' ηλικιωσι . Nam Hesiodus , atque Homerus ,
 quos

quos quadrigētis non amplius annis ante me opinor existisse, fucce &c. A. Gellius noc. *Attic.* lib. VI. c. 2. *Homerus*, inquit, *sapientissimus, & antiquissimus Poetarum*. Josephus lib. I. *contra Appion. init.* Nullum plane, ait, inveniri apud Græcos ομολογούμενον γράμμα scriptum indubium, quod antiquius sit *Homeri carminibus*. Proclus *Lycius in defens. Homer.* cap. 26. adfirmat, *nulum Homeri ætate fuisse historicum, qui res tunc gestas memoria prodiderit*. Et Justinus Martyr. *cohortat. ad Græcos*, *Homerum vocat πρῶτον τῶν ποιητῶν Primum Poetarum*. Tum Claudianus

Ipse parens vatū princeps Heliconis Homerus.

Quis itaque modo audet Sibyllam Homero priorem dicere, ipsumque plurima sua carmina ab ea fuisse mutuatum?

XII. Quod ut validius ostendam, & cum Sibylla ipsa rationibus ubique petitis abundam, concedamus parum, illam in Arca Diluvii tempore, ut de se prædicat, fuisse, ideoque longe & Homero antiquiorem; nunquid propterea dicturi sumus, hunc ab illa carmina sua accepisse? Græca

lingua fuisse scripta illa oracula omnes tradunt. Tempore vero Noachici Diluvii unica tantum erat lingua, duravitque usque ad constructionem turris Babylonicae, hoc nos sic decente Mose *Genes XI. vers. 1.*, quæ certe non erat græca, utpote multo tempore posterior. Quomodo itaque & Sibylla potuit Græco idiomate oracula sua conscribere, & Homerus ex illis quammulta Poësi sua inferre? Quod unica tantum fuerit hominibus lingua ante Babylonicam si c dictam linguarum confusionem, docent nos præter Patres, etiam Rabbinæ Judæi, imo etiam ipsi Gentiles. Augustinus de C. D. lib. XVI. cap. 11. in principio: *Nam, inquit, & ante diluvium una erat lingua.* Et paulo post: *Non defuit domus Hebræ, ubi ea, qua antea fuit omnium, lingua remaneret.* Item: *Quia ergo in ejus familia remansit hac lingua, divisas per alias linguas cæteris Gentibus, quia lingua prius humano generi non immerito creditur fuisse communis, inde deinceps Hebræa est nuncupata.* Etiam paulo post: *Quando autem erat una nihil aliud, quam humana lingua, vel humana locutio vocabatur, qua sola universum genus humanum loquebatur.* Indicat autem Interpres Hiero-
soly-

folymitanus, linguam illam unicam fuisse Hebræam, *Et omnes incola terra lingua unius erant; & sermonis unius, & consilii unius, quippe lingua Sancta loquebantur, qua est creatus Mundus a principio.* Eadem fere dicit Jonatham in Paraphra. si. Et R. Shelemo Jarchi: *labium unum est lingua sancta.* Sic etiam Aben Ezra: *labium unum significat linguam unam, qua mihi videtur fuisse lingua sancta;* Abydenus autem Ethnicus apud Eusebium Chro. p. m. 13. ejusdem rei mentionem injicit: *Cum vero ad id temporis homines unius lingua fuissent, linguam diversam ipsis a Diis esse immissam.* Lubet & heic addere locum ex Josepho, quem nonnulli lib. 1. contra Appion. repetiri scribunt, cum inveniatur lib. I. *Antiquit. Judaic. cap. 5.* Sic ille sonat in nostra, quam habemus, versione latina: *De Turri autem hac, deque linguis hominum mutatis, meminit & Sibylla his verbis. Cum universi homines uno eloquio uterentur, Turrim excelsissimam quidem adificaverunt, quasi ad cælum per eam adscensuri. Dii vero ventis immisit turrim everterunt, & propriam unicuique linguam attribuerunt, unde factum, ut Urbi Babylonis no-*

men esset. Videtur Fl. Josephus respexisse ad locum Sibyllæ, qui reperitur *Oracul. lib. III. pag. m. 221*. Verum ut ut citaverit Sibyllam testem, de quo tamen dubitandi locus relinquitur, (potuit enim illud testimonium Sibyllæ huic Scriptori ab alio inferi, quemadmodum & alia ipsi attributa legimus, quæ tamen ab illo conscripta fuisse non credimus) neque ab hac opinione alienos nos profiteamur: semel enim tantum, quod scimus, Sibyllæ mentionem facit scriptor sedulus; quod si legerit hæc, quæ nunc habemus Oracula Sibyllina, cur non etiam ex illis testetur, illam Diluvii tempore vixisse, una cum Noacho fuisse in Arca, atque illam Homero fuisse priorem, utpote quæ de illo sit vaticinata *illum mendacia scripturum*? Immo necum hunc Josepho adtributum non esse genuinum, sed supposititium, vel hinc quis facile judicet, quod *Deorum* meminit, quis enim credet, Judæum scripsisse Deos tempestatem ad destructionem Turris immisisse? Quid? An putandum est Josephum credidisse Deorum pluralitatem? absit hoc. Insignem super hac re invenimus locum, quem, etiamsi longior sit adscribemus, quoniam evidenter docet Sibyllam men-

mentiri, illamque esse Homero posteriorem. Extat autem apud Fl. Joseph. *contra Appion. lib. I. in princ. p. m. 916.* Atque ex eo (quod probe notandum) patet, illum Sibyllæ contradicere: *Omnia siquidem Græcorum nova* (hoc modo ex Græco vertit Gelenius) *& heri, ut ita dicam, nuperque facta cognovi: hoc est fabricam Civitatum, & adinventiones artium, conscriptionesque legum, cunctarumque rerum junior apud eos est historiæ conscribenda diligentia. Apud Ægyptios etiam, atque Chaldaos, & Phanices (desino enim nos illis connumerare) sicut ipsi fatentur, res gesta antiquissimam, & permanentem habent traditionem, ut nihil horum, quæ apud eos aguntur sine memoria relinquantur, sed in publicis conscriptionibus semper a viris sapientissimis dicerentur. Græcorum vero Regionem innumera corruptiones invasere rerum memoriam delentes. Qui autem novas constituentes conversationes, omnium se primos esse credidere, sciant quia etiam sero vix naturam potuere agnoscere literarum: nomen antiquissimum earum usum habuisse credunt a Phanicibus, & a Cadmo se didicisse gloriantur. Sed neque illo tempore poterit aliquis demonstrare servatam conscriptionem, neque in sacris, neque in publicis ana-*

thematibus, quando etiam de Trojanis rebus, ubi tot annis militatum est, postea multa questio, atque contentio facta est, utrum literis usi sint, & magis veritas obtinuit, quod usus modernarum litterarum illis fuit incognitus: constat autem quod apud Gracos nulla invenitur conscriptio poemate Homeri vetustior, & hunc etiam post bella Trojana fuisse manifestum est. Et ajunt neque hunc literis suum poema reliquisse, sed cantibus memoria reservatum, postea fuisse compositum, & propterea multam in eo comperiri dissonantiam, qui autem historias apud eos conscribere tentavere, id est Cadmus Milesius, & Acusilaus Argivus, & post hunc alii quicumque fuisse referuntur, paululum tempus Persarum contra Gracos expeditionem praeessere.

XIII. Quibus ex omnibus luce meridiana clarius patere judicamus, unjca cum tempore Diluvii, immo usque ad tempus extructionis turris Babylonicæ, lingua in mundo exiiterit, uti & hoc testatur Sibylla lib. III. Orac. pag. m. 222., atque illa cum fuerit Hebræa, falsum esse Sibyllam illo tempore Græce sua oracula conscribere potuisse. Dicit enim loco jam statim lauda-

to

to, unicam illo tempore in Mundo linguam extitisse, quis vero non videt splendide mentiri Sibyllam, se, cum unica fuerit lingua in ædificatione Turris Babylonicæ, Græcam linguam probe callere? pudeat hoc feminam divinitus se inspiratam jactantem. Sin autem immediate post linguarum confusionem, illam Græce scripsisse creditur, saltem tum dicendum est, illam Græce consignasse sua oracula illo tempore, quo non dum lingua Græca erat in rerum natura, longo enim tempore post Græcorum lingua, & imperium innotuere, etiam post extructionem Turris Babylonicæ erat in Mundo unica tantum lingua, uti hoc Doctiss. D. Campegius Vitringa SS. Theologiæ Professor Frenequeranus in tractatu suo de linguar. confusion. eruditissime docet: & ut ut extiterit tum temporis dialecti aliqua varietas; attamen Gentes Orientales tali usas fuisse sermonis genere, ita ut semet invicem intelligere potuerit, quod multis rationibus, ac exemplis probat: si itaque homines varias, & longe distitas Regiones inhabitantes, se invicem intellexerunt, uti ex mutuis colloquiis patet *Genes* XXIV. ubi legimus Abrahami Servum Eliæferem in Mesopotamiam profectum

cum Rebecca sermonem habuisse , atque illam petitioni Eliæferis annuisse ; firmissimum est argumentum , tum temporis non dum variasse linguas , ut se mutuo non intelligerent . Similia occurrunt exempla *Genes XXX.* ubi Jacob cum pastoribus Mesopotamitis differens narratur , & introducitur . Si librum Jobi legimus , deprehendemus Arabem , Caldæum , & Idumæum collocutos fuisse ; si linguæ illorum hominum adeo diversæ tum temporis fuerunt , uti hoc nostro ; quomodo se illi invicem intellexissent ? Plura si quis velit legat dissertationem dicti D. Vitringa : hinc itaque constare potest , falsam hanc Sibyllam Græce scribere non potuisse in ipsa confusione linguarum , vel paulo post , quoniam Græca lingua longo tempore post in Mundum fuit introducta , & quod probe notandum , saltem illo tempore , eo modo , quo scripta sunt falsa hæc oracula Sibyllina , tam ornata non innotuit Mundo . Linguæ enim in principio non sunt adeo pulitæ , uti successu temporis poliuntur , ac exornantur , uti hoc patebit , si quis antiquissimam linguam Græcam cum illa , quæ postea Homeri , & Herodoti ævo apparuit , conf-

fe.

ferat, Deprehendet enim magis, magisque in dies fuisse excultam. Videtis Scaligeri *Adnot. ad Enseb.* p. m. CX, & CXI &c. Uti hoc apparet ex diversis Græcæ linguæ, successu temporis introductis, dialectis, unaquaque Gente pro captu, & judicio suo illam ornare annitente.

XIV. Sed notandum quoque est, tale idioma Græcum non extitisse eo tempore, quo colli cepit Græcia, (quod Abrahami ævo factum fuisse contendunt nonnulli) quali conscripta hodie videmus oracula hæc Sibyllina: Cadmus Phœnicus literas in Græciam introduxit, fatentur & hoc ipsi Græci. Herodotus lib. V. p. 351: *Phœnices autem isti, qui cum Cadmo adventunt quorum Gephyrai fuere, dum hanc regionem incolunt, cum alias multas doctrinas in Græciam introduxerent, tum vero literas, quæ apud Græcos, ut mihi videtur, antea non fuerant. Et prima quidem illæ extiterunt, quibus omnes Phœnices utantur: progressu autem temporis una cum sonu mutaverunt, & modulum pristinum &c.* Hinc Zenodotus de Zenone in epigrammate apud Laertium;

Εἰ δὲ πατρὶς Φοινύττα, πῶς οὐ φθόρος, ἐν καὶ οὐ
Καδμῶος

Κεῖνος

Κεῖς, ἀφ' ἧ γραπτὰς ἔδκας ἐκεῖ σελίδα

Si patria est Phœnix, quid tum? Fuit hac quoque Cadmo

Patria, qui Græcis prima elementa dedit.

Eusebius item docet *lib. X. præp. Evan.* non solum a Cadmo Phœnicio literas Græcis datas, verum & ea de causa Phœnicias literas fuisse vocatas. Primus, inquit, qui communes literas, id est, prima Grammatica elementa Græcis tradidit, Cadmus genere Phœnix erat; unde & Phœnicias literas quidam Veterum appellarunt. Et Clemens Alexandrinus *Stromat. lib. 1: Cadmus autem erat Phœnix, Græcis literarum inventor, ut ait Ephorus (al. Ephorus)*. Hinc apud Hesychium *ἐκφοινίξει phœnicipare est ἀνέγνωσαι legere*. Et Tacitus *lib. XI. p. m. 226. Quippe fama est, Cadmum classe Phœnicum vectum, rudibus adhuc Græcorum populis artis ejus auctorem fuisse*. Plinius *lib. V. c. 12. in fine: Ipsa Gens Phœnicum in gloria magna literarum inventionis, & Syderum, naviumque, ac bellicarum artium*. Josephus *lib. 1. contra Appion. existimat literarum usum apud Græcos Cadmo multo esse recensorem*. Tzetzes autem

autem contrariam fovet opinionem, putans Græcos habuisse literas etiam ante Cadmum: quid autem hisce sit sentiendum opinionibus, videri potest apud Doctis., ac Euditis. D. Samuellem Bochartum *lib. 1. de Colonis, & sermone Phœnicum c. 20*, & Scaligerum *in notis ad Enseb. p. m. 111. 112*. Hinc itaque concludere possumus, Sibyllam non potuisse scribere Græce ante Cadmum, & ante inventas literas Græcas. Cadmus autem in Græciam e Phœnicia navigavit anno mundi, secundum Bucolcerum, 2507. vel. circiter, aut secundum Calvisium anno mundi 2509. Confusio autem linguarum secundum Bucolcerum in annum mundi 1758, & secundum Calvisium 1757. incidit. Quid quid sit, distincte, & clare videt sedulus lector mentiri Sibyllam, quando tantam sibi adrogat antiquitatem, se fuisse in Arca, & tum prophetasse, ac Græce scripsisse sua oracula ante illius linguæ existentiam, & ante inventas literas.

XV. Sed ex Græco quoque oraculorum stylo idem colligi potest, qui etiam si multis modis reprehensionem mereatur; attamen ante Cadmi, immo etiam post Cadmi tempora adeo pulita illa lin-

lingua non fuit, immo eo modo non fuit scripta, quo Sybillina oracula hoc tempore nunc conspiciuntur. Primi enim, & antiqui Græci eo modo, quo nunc conscripta videmus Sibyllina oracula, non scribebant, de illis autem memoriæ proditum legimus, illos aliquatenus imitatos fuisse morem Phœnicum, & Hebræorum. Scribebant autem illi a dextra sinistram versus, ut multis hoc probari posset, instituti nostri si hoc foret. Locum tamen unum, aut alterum addemus, ex quibus pateat modus scribendi primorum Græcorum: ubi autem primam regulam absolverant a sinistra dexteram versus Europæorum more, inde quia is locus primo se se offerebat, sinistrorsum Hebræorum more, scribebant, postea dextrorsum, & sic eodem ordine deinceps. Hic mos scribendi *βυστροφῆδος* vocabatur, quoniam ductus boum arantium sulcos imitabantur, hi enim sulcum secundum ducere incipiunt, inde ubi prior desit. Hoc modo scriptæ erant leges Solonis, atque hinc Harpocraton in lexico suo Græco dixit, in voce ο κατωθεν νομος: κατωθεν ονομαζει ο Δημοσθενης. οτι γαρ φησι βυστροφῆδον ησαν οι Α' ξορες και οι Κυβεις γεγραμμενοι. *Deorsum vocat Demosthenes, quoniam*
dicis

dicat, Axones, & Cyrbes conscripti erant eo modo, quo converisuntur boves. Optime autem hanc vocem βυστροφῆδον explicat Hesychius, ἔτος, inquit, ελεγον, επαν ομοιωτ τοις αροτριαι βυσι τας αντιστροφας ποιη τις ελεγον και επι η γραφειν τροπω τοιςτω. Ita appellabant quando instar arantium boum fit regressus, quod usurpatum, quia eo modo scribebatur. Huic adstipulatur & Isidorus Hispalensis Orig. Lib. VI. c. 13. Versus autem vulgo vocati: quia sic scribebant antiqui, sicut aratur terra, a sinistra enim ad dextram primum deducebant stylum, deinde convertiebant ab inferiore, & rursus ad dextram versus, quos & hodie rustici versus vocant. Pausanias etiam lib. V. p. m. 174. meminit, Agamemnonis statuæ adscriptum fuisse nomen, γραπται δε και τετο επι τα λαια εκ δεξιων, id autem scriptum est a dextra in lavam. Hoc est finistrorsum, Orientalium more, verum postea Græci βυστροφῆδον scripserunt, hoc nos sic docente eodem Pausania eodem lib. V p. m. 165. Καταμεν ης ευθυ αυτων εχει, σχηματα δε αλλα των γραμματος βυστροφῆδον καλουν Ελληνες. Το δε εστι τοιονδε απο ετος περατος ετος επως επιστρεφει των επω το δυντερον, ωσπερ εν διαυλη δραμω. Et quadam li-

terarum forma recta ducuntur, alia autem βεσποφιδον, ut Græci dicunt: est autem huiusmodi: a fine versus superioris sit conversio ad initium sequentis, eo modo, qua in dianlo curritur. Hoc autem modo pseudo Sibyllina oracula nunquam visa fuisse conscripta; unde luce meridiana clarius patet non esse tam antiqua, uti ea venditat oraculorum horum scriptor quisquis ille fuerit.

XVI. Immo ex versuum genere, Heroicorum nempe Græce scriptorum, constat non posse Sibyllam Homero, aut Hesiodo fuisse priorem. Homerus primus Heroicorum carminum inventor reputatur teste Athanasio Orat. contra Græc. Γραμματα μὲν γὰρ εὐρεῖον Φοίνικες, ποιέειν δὲ προίκεν ὁ μῦθος: *litteras quidem adinvenerunt Phœnices, Heroicam autem poesim Homerus.* Sinesius lib. de in somniis ὁ μῦθος καὶ Στῆσιχορος τὸ μὲν προίκεον φύλον δια τὰς ποιήσεις αὐτῶν ἐπικυδέστερον ἐδείξαν, ut & Josephus lib. 1. contra Appion. Carmen itaque Heroicum, quo Sibylla sua conscripsit oracula non extitit ante principem illum poetarum, atque inde concludere nos possumus, illam nec ante, nec longe post potuisse sua conscribere oracula Græco Heroico carmine. Castilio lib. 1. de Curiali. *Homericum*
anti-

animadvertite, qui Heroicorum poetarum & tempore, & excellentia primus putatur. Nonnulli inventionem carminis Hexametri Mosi attribuunt, freti auctoritate Flavii Iosephi p. m. 114. lib. IV. Antiquit. Judaic. Ε' πετα ποιησιν εξαμετρον αυτοις ανεγνα, εν καταλειπειν εν τω βιβλῳ τῳ ιερω. Deinde illis recitavit carmen Hexametrum, quod scriptum reliquit in sacro volumine. Quod quam verum sit, illi constabit, qui canticum illud Mosi Deuteron. cap. XXXII. attente perlegerint, certe nos carmina hexametra ibi reperire non potuimus. Alii asserunt Phemenoen Mosi Filiam hexametrorum carminum fuisse inventricem, eamque Delphis vaticinia edidisse. Alii, ut Plinius lib. VII., Apollinem eorumdem inventorem constituunt. Alii Sibyllas illorum inventrices prædicant, quod si verum foret, Sibyllas invenisse carmina Hexametra, tum illas Mose priores constituere deberemus, quæ certe sententia contra Doctissimorum Virorum, fere omnium, opinionem arietat. Concludimus ergo mentiri prorsus Sibyllam, quando tantam sibi arrogat antiquitatem, ut pro omnium scriptorum prima se venditet.

XVII. Dici porro Sibylla, Homerus Oraculorum libros meos evolvit. Foliis autem Sibylla, cum oracula funderet, inscribebat. Sic Virgilius *Æneid.* lib. VI.

— *Foliis tantum ne carmina manda
Ne turbata volent rapidis ludibria ventis
Ipsa canas oro.* —

Et *Æneid.* lib. III.

*Insanam vatem adspicies, qua rupe sub ima
Fata canit, foliisque notas, & nomina mandat.
Quacumque in foliis descripsit carmina Virgo,
Digerit in numerum, atque aniro seclusa
relinquit:*

*Illæ manent immota locis: neque ab ordine —
cedunt.*

*Verum eadem verso tennis cum cardine ventus
Impulit, & teneras turbavit janua frondes:
Nunquam deinde cavo volitantia prendere saxo,
Nec revocare situs, aut jungere carmina curat:
Inconsulti abeunt, sedemque odere Sibylla.*

Pal-

Palmarum foliis putant nonnulli inscripſiſſe oracula ſua Sibyllam, alii olim frondibus inſcriptas fuiſſe literas perhibent, alii in foliis malvarum olim ſcriptitata fuiſſe docent vaticinia. Sic Cinnæ antiquus Poeta, cujus verſus reperiri poſſunt apud Iſidorum Hiſpalenſem *Orig. lib. VI. cap. XII.*

Lævis in aridulo malvæ deſcripta libello.

Præſiaca vexi munera navicula.

Non vacat nunc inquirere, quibus in rebus ſcripſerint olim Veteres, ſive in libris, arborum corticibus, ſive in foliis palmarum, malvarum &c. Certum eſt Antiquas Sibyllas, apud Gentiles tam celebres, oracula ſua ſcripſiſſe in foliis. Hæc autem Sibylla dicit, Homerum primum futurum, qui ejus libros manibus evolveret: *βιβλος libros* ſcripta ſua vocat Sibylla. Antiqua tamē Sibylla, uti ex Virgilio audivimus, in foliis ſcribebat, quæ folia, utrum libri recte vocari queant, aliis inquirendum relinquimus. Quiſnam autem fuerit ille, qui Sibyllæ folia in ordinem redegit, an Homerus, cui primo viſa? non nos putamus: num enim illum ſuorum ſcriptorum negligentem

D

Si-

Sibyllinorum curam suscepisse credemus? credant hoc, qui volunt, nos nunquam. Homerum autem suorum librorum curam neglexisse discimus ex Cicerone *de Orator. lib. III. p. m. 121. Quis doctior iisdem illis temporibus, aut cujus eloquentia literis instructior fuisse traditur, quam Pisistrati, qui primus Homeri libros, confusos antea, sic disposuisse dicitur, ut nunc habemus?* At contra Plato nos docet non Pisistratum, sed Hipparchum Pisistrati filium primum Homeri carmina Athenas attulisse. Hærent hic quidam in eo, ut illa cum Platone in concordiam redigantur, & censeant tandem, Pisistratum carmina Homeri digessisse, & penes se retinuisse; Hipparchum vero primum ea in publicam misisse lucem. Sed hoc profecto non est *primum Athenas attulisse*. Credam potius, Hipparchum, vivo Pisistrato, cujus filiorum ille fuit natu maximus, & ante mortem Patris jam ætate proventus, carmina Homeri *primum attulisse Athenas*, ea dein Patrem digessisse in Iliada, & Odysseam; filium vero postea Rhapsodis dedisse cantanda. Sic nihil superest difficultatis. Sed longe major residet in eo, quod Diog. Lærtius in *Solone num. 57.* ait,

ait, *Hunc primum sanxisse, ut carmina Homeri recitarentur* ἐξ' υποβολῆς h. e., ut Plato ait, ἐξ' οὐλομένης, ut succedat aliter alteri, atque ideo dicere *Diuchidam*, Vetustum Scriptorem, *Solonem* magis, quam *Pisistratum*, illustrasse *Homerum*. Non ergo *Pisistrati* demum filius ea attulit *Athenas primus*. Quid dicam? nisi diversas ea de re Veterum esse sententias, & forte, quod a *Solone* jam factum erat, sublatam mox fuisse, seu carmina illa *Homeri* statim post *Solonem* ex usu hominum intercidisse per tumultus civiles, per quos sæpe ejectus, sæpe restitutus fuit *Pisistratus*: atque ita sene jam *Pisistrato*, hujus filium *Hipparchum* invenisse ea denuo, & attulisse *Athenas*? *Primum* autem quia dein ex ejus demum instituto ut conerentur *Panathenæis* in perpetuo ibi manserunt usu. Hæc de *Pisistrato*. Trascamus ad *Sibyllam*.

XVII. Dicit hæc *Homerum* mentitum suam Patriam, *Χίον enim se ipse vocabit*. Itaque secundum *Sibyllam*, *Homerus* non fuit *Chius*. Sed cur *Sibilla* scrupulum de *Homeri* patria non ademit dubitantibus? Verum putamus Scriptorem horum falsorum oraculorum ignorasse locum natalitatis *Homeri*. Dicit tamen mentiri *Homerum*,

cum Chium se dicet: an non potuisset eandem curam habere quam de se habuit, ipsa Sibylla, uti ex ipsius versibus rescivimus, Græcos nempe dicturos, illam Erythris oriundam, cum tamen orta esset Babylone, Vid. Sib. *Orac. in fine lib. III.* an non eodem modo dicere debebat Sibylla? Homerus se Chium esse jactitabit, sed tali revera loco est oriundus: verum quomodo dicere potuisset, ac indicare illa, quæ carminum illorum scriptor ignorabat? Sed forte legit Aristotelis opinionem, qui Chion non fuisse Homerum pronunciat *lib. II. Rhetor. c. 23.* Καὶ Χίος ὁ μέγας οὐκ οὐτὰ πολὺται: Chii Homerum honorant, quamvis non esset eorum civis. At vero Clemens Alexan. *Stromat. lib. I.* secundum Euthymenen, narrat fuisse Chium: Euthymenes dicit, eum floruisse cum Hesiodo, natum in Chio sub Acasto, circa annum 200 post captam Trojam. Eiusdem etiam sententia fuit Archemachus. Alii existimarunt Homerum natione Ægyptium Lucianus *var. hist. lib. II.* Et cum alia multa, tum illud rogabam, cuius esset; dicens illud maxime apud nos ad hunc usque diem esse in controversia. At ille se nescire respondit. Nam quidam

dam Chium, alii Smyrnaum, alii Colophonium cum arbitrantur, ipsum vero se Babylonium esse aiebat: Siquidem civibus suis non Homerum, sed Tigranem vocatum fuisse, postea vero cum apud Græcos obsidis officio functus esset pristinam appellationem mutasse. Plurimos Homerum sibi vindicandi incescit emulatio. Cicero quatuor urbes nominat, qui suum fuisse civem contendunt in *Orat. pro Archia Poeta circa fin.* Homerum Colophonii civem esse dicunt suum, Chii suum vindicant: Salaminii repetunt, Smyrnæi vero suum esse confirmant; itaque etiam delubrum ejus in opido dedicaverunt: permulti alii præterea pugnant inter se, atque contendunt. Aulus Gellius *Noct. Attic. lib. III. c. 11.* De patria quoque Homerî multo maxime dissensum est. Alii Cholonium, alii Smyrnaum, sunt qui Atheniensem, sunt qui Ægyptium dicunt fuisse. Aristoteles tradit ex insula Jo (Putamus Chio legendum, cum contra pateret Gellium Aristoteli contradicere, ut constat ex loco supra allegato) natum. Varronis epigramma, quod citat etiam Gellius, septem urbes fuisse, quæ Homerum suum fuisse civem contenderunt, narrat.

Ἑπτα πόλεις διερίζεσι περι ρίζαν Ὁ μακρὸς
 Σμύρνα, Ρ' ὁδὸς, Κολοφών, Σαλαμίς,
 Χίος, Ἀργός, Ἀ' Ἰθάκη

*Septem urbes certant de stirpe insignis Homeri
 Smirna, Rodus, Colophon, Salamis, Chios,
 Argos, Athena.*

Editiones quædam pro Χίος habent Ἰ'ος.

Anthologia Epigrammatum, pro Rhodo, & Salamine substituit Pylum, & Cymam, vel Ithacem, ac tunc Epigramma illud hoc modo legitur

Κυρκή, Σμύρνα, Χίος, Κολοφών, Πύλος, Ἀργός,
 Ἀ' Ἰθάκη.

Alias

Σμύρνα, Χίος Κολοφών, Ἰ' Ἰθάκη, Πύλος, Ἀργός,
 Ἀ' Ἰθάκη.

Salamis autem non pro insula in sinu Saronico, sed pro Cypri urbe accipienda. Nam ut testatur
 Pausa-

Pausanias in Phocicis p. m. 341. Cyprii vero (nam & hi sibi Homerum vindicant) Themisto indigenam feminam Homeri matrem fuisse dicunt: Euclum vero de ipsius ortu hisce versibus fuisse vaticinatum

- „ Fluctifona in Cypro tunc Vatem dia Themisto
- „ Altiloquum pariet ditis Salaminos in agris
- „ Post habita hic Cypro , longe provectus in altum ,
- „ Grajugenum terras lustrabit , carmine sævos
- „ Heroum casus , & tristia funera dicens ,
- „ Nec senium metuet inexorabile fatum .

Colophonii vero (citat locum hunc ut & sequentem ex Auctore Agon. Hef. & Hom. p. l. Marsam. p. m. 413.) locum , in quo narrant Homerum literas docentem , Poetica exordia fecisse , & primum conscripsisse Margitem . Ec de Ithaca testatur oraculum , Divo enim Hadriano Imperatori Pythiam sciscitanti , undenam esset Homerus , & quibus parentibus ortus , Pythia carmine Hecmetro sic respondit

Ignoram a me quaris generationem , & terram patriam

Ambrosia Sirenis : solo Ithacensis est ;

Thelcmacus illi pater , & Nestora Epicaste Mater , qua peperit hominum longe sapientissimum .

His autem fides maxime adhibenda est dicit Agonis Auctor , tum propter sciscitantem , tum respondentem ; præterea quod ipse Poeta carminibus progenitorem tam magnifice celebraverit . Hac autem de causa in epigrammate , *Ithace* in locum *Cuma* substituitur . Concludimus nos nihil certi de Homeri patria posse adfirmari , & hac in re cum Pausania in *Phocicis* p. m. 341. dicimus : *Hac nos de Homero partim audivimus , partim etiam ex oraculis quibusdam collegimus ; nihil omnino , quod de ejus vel patria , vel atate scribemus certi ex nobis ipsis habentes .* Plinius *Histor. Nat. lib. XXX. c. 2. in fine .* Apion Grammaticus retulit , se evocasse umbras ad percontandum Homerum , qua Patria , quibusq. parentibus genitus esset , non tamen ausus profiteri , quid sibi respondisse diceret . Interim tamen reprehensio-

ne digna videtur hæc pseudo-Sibylla, quod Homerum mendacii arguens, se Chium esse, non indicarit cujas esset. Qui alium mendacii rerum facit, scit ille, aut saltem scire debet, qua in re mentiatur, & contrarium ejus, quod assertum fuit, novit. Quare igitur non indicavit nativitatibus locum? se ipsam quidem tantopere amabat, sed alium, cui mendaci crimen impingit, amore tali, & honore non dignata est. Secundum vulgare dictum se gerere maluit, *Amor bene ordinatus a se ipso orditur, & incipit.*

XIX. Quidquid vero sit, Homerum aliquando in Chio habitasse docemur a Thucydide *Histor. lib. III.* ex Hymno Apollinis, in quo sui ipsius meminit Homerus:

Τυφλος ἀνὴρ οἶκε δὲ Χίῳ ἐνὶ πατρίδαϊ κατὰ

l'ir qui luminibus captus Chion incolis altam.

Quo modo autem Homerus, & qua de causa in Chium transfretaverit, refert hoc exacte Herodotus in libello suo *de vita Homeri* p. m. 644. ubi multa alia de Poetæ hujus vita curiosus Lector reperire poterit. Chii autem magis Homero

mero

mero detulere honores, sive quod eorum civis fuerit, sive quod apud illos habitavit. Nummos enim in Poetæ hujus honorem, & memoriam percuti curarunt. Quinquennales etiam ludos in ejus honorem edebant: hoc exacto, quolibet quadrienio Rhapsodorum agonem celebrabant cum sacrificiis, & nummis in eam rem percussis, Numismata autem Chiorum Homeri imaginem ferebant. Sic etiam Smyrnæi olim in Homeri honorem nummos percuti voluerunt. Quorum cætypum invenimus apud D. Sponium in ejus itinerario Tom. I. p. 447. ubi dictus D. Sponius rationem reddit, cur ab altero nummi latere exprimatur figura viri equum ducentis, nempe Homero fuisse junctam illam imaginem ad memoriam viri alicujus, qui cursu, aut prælio aliquo equestri, illustrem se reddiderat. Multos alios honores Homero fuisse delatos probari posse indubitanter adfirmamus; verum brevitati studentes, hæc tantum notabimus, nempe statuas ei erectas, sacrificia, & templa illi fuisse oblata, & dedicata. De statu, & templis testatur Strabo *Geographi. lib. XIV. p. m. 615. Est (Smyrnæ) Bibliotheca;*

ca, & Homerium, porticus quadrata habens
TEMPLUM HOMERI, ET SIMULACRUM.
 Et paulo post. Nam & hi (Smyrnæi) maxi-
 me hunc poetam sibi vindicant: unde & nummus
 quidam aneus apud eos Homerus vocatur. Cicero
 Orat. pro Archia dicit Smyrnæos confirmasse Ho-
 merum suum esse, **DELUBRUM** ejus etiam in
 oppido dedicavisse. Ælianus Var. His. lib. XIII.
 c. 22. Ptholomæus Philopator extruens Homero
TEMPLUM cum decore fecit sedentem, circum
 vero simulacrum statuit civitates, qua Homerum
 sibi vindicant. Etiam sacrificia Homero fuisse olim
 oblata testantur Scriptores: Aulus Gellius lib. III.
 c. 11. ex M. Varrone in libro I. de imaginibus,
 dicit, Homeri imagini epigramma hoc olim fuisse
 appositum:

*Capella Homeri candida hac tumulum indicat
 Quod hac Jeta mortuo faciant sacra.*

Veteres editiones legunt hoc modo:

*Capella Homeri candida hoc tumulum indicat,
 Quod ariete mortuo facinns sacra.*

Alii

Alii putant hoc modo legendum :

Quod ara Jeta

Vel sic legendum existimant alii :

Capra Jeta.

Quod magis arridet elici potest a Lectore . Qui hujus epigrammatis fusam & eruditam cupiunt expositionem , legant , quæ ad illud scripserunt Hieronymus Magius *miscellan. lib. III. c. 1.* & Leo Allatius de *Patria Homeri c. 11.* De Harpocratianis testantur Patres nonnulli , quod colebant imagines Jesu , & Pauli , & HOMERI , & Pythagoræ adorando , incensumque ponendo . Et quidni sacrificia illi obtulissent ? quandoquidem non solum Pagani , inter quos Silius Italicus *lib. XIV.* illum iis dignum adfirmarunt ,

————— *Meruit Deus esse videri ,
Et fuit intanto non parvum pectore Numen :
Carminibus complexus terram , mare , Sydera ,
Manes ,*

Et

Et cantu Musas, & Phæbum æquavit honora

Verum etiam SS. Patres, Justinus Martyr *cohortat. ad Grecos*, et Cyrillus Alexandrinus *contra Julianum lib. I.* Plura qui de Apotheosi Homeri desiderat, legere potest Viri Amplissimi, & doctissimi D. Cuperi tractatum, quem anno 1683. edidit de Apotheosi, vel consecratione Homeri.

XX. Cæcum autem fuisse Homerum apud omnes conceditur. Sibylla autem nostra supposititia illius cæcitatem prædixisse vult videri: ac utrum cæcus sit natus, aut quomodo in illud incommodum inciderit, non refert, utpotequæ tum temporis æque incerta fuerit, ac nos hoc nostro: quidquid sit cæcum non fuisse natum, præter Vellejum Paterculum *lib. I. c. 5. quem* (Homerum) *si quis cæcum genitum putat, omnibus sensibus orbis est*, docet nos Herodotus in *de vita Homeri libello p. m. 638.* Progressu deinde temporis, Critheis cum aliis mulierculis ad festum egressa juxta fluvium Miletum, cum partui jam vicina esset, Homerum peperit non cæcum, sed videntem: nominavitque eum Melesigenem a fluvio videlicet, prope quem editus esset. Postea autem

autem a cœcitatibus calamitate Homeri ipsi nomen est inditum, hoc nos sic docente Herodoto in dicto de vita Homeri libello p. 642. *Quod si semel opus, hoc est cacos, alendos susciperent, futurum esset, ut continuo turbam, & multam, & inutilem haberent. Atque hic primum Homeri nomen Melesigeni inditum est, a cœcitatibus videlicet calamitate; nam Cumani cacos opus appellat. Habemus hic antiquissimum, pariter ac doctissimum omnium Græcorum scriptorem testem, illum non cœcum fuisse natum, ut evidentissime pateat mentitam prorsus fuisse Sibyllam, cum de eo scripserit nascetur lumine captus; ideoque notandum magis nobis arridere debere illorum opinionem, qui malum hoc ei ex morbo contigisse putant, vel ex longa senectute, uti quidem illud eum contraxisse existimant. Ovidius in *Ibin* apum aculeis excœcatum scribit:*

*Inque tuis opifex vasi quod fecit Achao
Noxia luminibus spicula condat apis.*

Quibus ex omnibus, quis, nisi revera cœcus, non videt, quam falsum sit oraculum, quod de
Ho-

Homero Sibylla hæc nostra supposititia prodidit ?
Quis non videt mendacia , quæ undique ab illo
tam abunde scatere huc usque declaravimus ? Non
ulterius nunc urgemus , aut refutemus illud , quo-
niam ad finem properamus , alias forte amplius
rem hanc enuncleaturi.

F I N I S.

ANA-

ANACEPHALEOSIS

*FORUM, QUÆ IN HISCE EXERCITATIONIBUS
ACADEMICO-CRITICIS AD
ERYTHRÆÆ SIBYLLÆ VATI-
CINIUM DE HOMERO CON-
TINENTUR,*

§. I. Introductio.

II. Quando floruerit Homerus.

*III. De Homeri aetate Marshamii sententia. Ha-
merus Hesiodo coævus.*

*IV. Aliorum opiniones de Homeri aetate expen-
duntur, Nepos commendatur.*

*V. Erythraa Sibylla quo tempore vixerit. An
fuerit in Noachi Arca. Schmidius confuta-
tur*

tur. An ei Daphnē nomen fuerit secundum
Constantinum. Lactantius, alique refellun-
tur, Apollodorus fallit, quando hanc suam
convicem vocat. Quando vixerit. An exci-
dio Trojano fuerit prior. Suida error notatus.

VI. Sibylla longeva dicta fuit. De hujus lon-
gavitate Auctorum testimonia. Sibylla mille
annos videturam testatur Enca. Servius ad
hunc Virgilii locum exponitur.

VII. Phlegoniis versus aliquot correcti ex Sala-
masio.

VIII. Et ex Vossio.

IX. Schmidius refutatur. Quando floruerit Si-
bylla. Quando diluvium terra fuerit immis-
sum. An Graiis belli Trojani eventum illa
predixerit. Quando primus belli Trojani an-
nus inciderit. Isidorus Hispalensis refellitur.
Sibylla refutata.

X. An Sibylla libros fatidicos Tarquinio obtru-
lerit. An usque ad Tarquinii tempora vixe-
rit, aut vivere potuerit. Lactantius refelli-
tur. Solinus confutatur.

XI. Quonam tempore vixerit Sibylla incertum
est; certum tamen, illam post Hamernum flo-

E

ruis-

ruisse: Nihil itaque Homerus ex Sibyllinis scriptis fuit mutuatus. Homerus Poetarum antiquissimus.

XII. Sibylla si fuerit in Arca non potuit Græce scribere, quia Diluvii tempore non dum erat lingua Græca. Quamdiu lingua unica remansit. Locus suppositus in Josepho notatus.

XIII. Aliud Sibylla mendacium, Homero fuit posterior. Lingua in principio non adeo pulita apparent, uti successu temporis exhortantur.

XIV. A quo Græci literas suas acceperint. Quando Cadmus venerit in Græciam. Linguarum confusio quonam mundi anno incidit.

XV. Antiqui Græci scribebant more Hebræorum. & Phœnicum a dextra sinistram versus. Mos scribendi Βυστροποδες. Quomodo leges Solonis erant scripta.

XVI. Homerus primus heroicorum carminum inventor. Nonnulli illud Mosi adtribuunt. De inventore carminum Heroicorum variant Doctorum sententia.


XVII. Palmarum foliis Sibyllam inscripsisse sua
car-

carmina putant nonnulli. Alii alius generis foliis fuisse scripta existimant. Homeri libri olim fuere confusi. Quis illos in ordinem redegerit.

XVIII. *An Homerus fuerit Chius. Quidam putant fuisse Egyptium. De patria Homeri variant sententia. Cicero emendatus. Nihil certi de Homeri patria potest pronuciari.*

XIX. *In Chio olim habitavit Homerus. De honoribus Homero delatis.*

XX. *An cecus fuerit natus Homerus. Cnmani cecos oimpos vocabant. Cacitatis calamitas quo pacto euenerit Homero. Operis conclusio.*




A. M. G.

LECTORI.

Vix & ipse, & typographus his ultimam imposueramus manum, cum penes me epistolam quamdam fratri meo charissimo SCIPIONI GALEA a me præterito anno scriptam inveni, quam, cum de Sibyllis, earumque oraculis ageret; non alienam ab hac nostra materia credidi; ideoque illam huic adponere non dubitavi, sicque ipsum hujus libelli limbum conchyliato clavo coronare. Bene vale, mi Lector, & fruiere, quod damus.

E 3

AN-



ANTONIUS-MARIA GALA

SCIPIONI SVO

FRATRI DULCISSIMO

CHARISSIMOQUE

Salutem.

Cio ego quam difficile, atque asperum factu sit meam sententiam de quibusdam rebus roganti tibi, Frater mi, literis tradere: quippe tu, ne verum ptodeam, singulari prorsus, ac excellenti ingenii acumine polles, tibi que Cll. hisce de rebus Auctores, quos in arduis consulere potes, minime desunt, tuque tandem, quod vèl maximum est, præter hæcce Litterarum studia, ac negotia illa, quæ, quod tanta laude geris, mu-

E 4

nus

nus tuum præferret, ac in quibus plus auctoritatis, ac consilii, quam laboris inest, a curis ferme omnibus expertus es, atque immunis: mihi vero & mediocre, ne infimum dicam, concessum fuit ingenium, & curta satis est suppellex libraria, & a studiis illis jurisprudentiæ, quam nuper fui adgressus, vix mihi ocium est, scalpendis, ut inquit, auribus. At quoniam, nihil hoc obstante, haud tuis me desinis interpellare semper meam de Sibyllis, earumque oraculis sententiam rogans; cumque videam, te id facere, non ut ex meis scriptis doctior, vel instructior hac de re discederes; sed potius ut me ad hæc litterarum studia denuo, quam potes, impelleres; omnibus modo aliis curis posthabitis, libenti quidem animo, quantum in me erit, obtemperam.

Fuisse foeminas fatidicas, quas Chaldæi *Sampethes*, Græci, & Latini *Sibyllas* appellarunt, adeo certum est, mi optime Frater, ut nullus in dubium vocari possit, aut debeat. Verum unde dictæ, quot fuerint, quæ singulorum patria sit, qui parentes, quæ ætas, quæ oracula, plane incertum est, & controversum,

ut ex Onuphrii libello *de Sibyllis*, tum ex tot
 Græcorum, Latinorumque Scriptorum testimo-
 niis, atque ex iis, quæ dicturus ero vel faci-
 le colligere potes. Et primum quoad Sibyllæ
 crymologiam spectat, Lactantius lib. 1. *Divin.*
Instit. ex Varrone inquit: *Sibyllinos libros* ait,
 Varro, non fuisse unius Sibyllæ; sed appellari uno
 nomine Sibyllinos, quod omnes famina vates Si-
 byllæ sunt a Veteribus nuncupata, vel ab unius
 Delphidis nomine, vel a consiliis Deorum enuncian-
 dis. Sic enim Deos, non Deus, & consilium non
 fuerat, sed fuerat appellabant *Æolico* genere sermo-
 nis. Itaque Sibyllam dictam esse quasi *θεοβουλεν*.
 Quod feminæ fatidicæ tandem sic appellatæ fue-
 rint in universum a Veteribus, res est certissima.
 Atque hinc etiam Apollinis filia Phemonoe, quam
 viginti quinque annis ante Linum, & Orpheum
 dixisse tradunt, Daphne & Manto Tiresiæ filiæ.,
 Themis, Elena, Hippo, Athyrta, Cassandra,
 aliæque quasi plurimæ inter Sibyllas a Suida nu-
 merantur. Verum vocis hæc ethymologia multi-
 modis inepta est, atque etiam falsa, satisque a
 Salmasio ad Solinum confutata: *Συβυλλα* enim sim-
 plex nomen est, non compositum. Deinde *Σιος*
 pro

pro θεος non est Æolicum, sed Laconicum. Hesichius Σιός θεός Λακωνες. Eorumdem est Laconum Αἰσάτα pro Αἰθάτα. At Æoles 3 in φ mutabant, ut θερμός, θερμός, unde latinum *ferrius* calidus θυπτός, θυπτός, inde latinum *popa*, victimarius: θυλλέ φυλλες, φυλλες φυλλες, inde *folles*. θυλαί φυλαί, a quo latinum *felare*. Præterea nulla Sibylla Æolica, ut hoc nomen ex Æolicis vocibus componi debuerit. Nam Cumæa Sibylla non ex Cyme Æolide, sed ex Italicis Cumis. Hac refutata sententia a σιδε, quod notat *malum puniceum*, pro quo Æoles dixerunt σιβη Salmasius derivat Σιβυλλαι. Non male, & satis analogice, incerta tamen derivatione; possis enim eadem specie ab antiquo σιβος illam arcescere, unde Latini acceperunt obsoletum illud *sibus* h. e. acutus. Vide Festum in *sibus*, & *persicus*, pro quo legendum esse *persibus* demonstravit Scaliger. Sed & inde Græci Σιβυρίη, σιβυρίδωρετι παραπλάσιον, *telum hasta simile*. Qua de re consulendi supra laudatus Hesichius ac Cl. Suidas. Possis etiam a σιβω, & σιβωμι, *soleo, veneror*, eam deducere, usitatissima in derivationibus litteræ E in I mutatione. Sed ipsa hæc originis, quæcumque tandem sit, incertitudo

ut

ut & tota vocabuli forma, satis declarat, nomen fuisse vere proprium, non comune, aut appellativum: sed quod, quum proprium fuisset illustri feminae fatidicae inter Græcos, ab his dein datum est omnibus aliis simile arte, etiam apud alios, celebribus feminis; plane eodem modo, quo reges quidam Ptolomæi, Abimælechi, Pharaones vocati. Suidas in voce *Φαραω*, *ὅτι καλεῖτο πάντες οἱ βασιλεῖς Αἰγύπτου, ἀπὸ τοῦ πρώτου Φαραω*. Falsum esse puto, quod Iosephus *lib. Antiquit. 8. c. 2.* tradit, dicens Pharaon Regem Ægyptiis significat. Vide Bocharti *Pheleg. lib. 2. c. 26.* Magis arri-det Suidæ sententia. Hinc etiam multæ aliæ nationes Reges suos nomine successivo indigitarunt: Alexandrini Ptolomæos a primo ejus Urbis rege, ut Iosephus *loco citato* indicat. Paphlegoniæ Reges Pylæniænes vocabantur ab antiquo illo Pylæniæne, cujus Homerus in Bœotia meminit. Cappadociæ plerique dicti fuere Ariarathes. Thraciæ plurimis Corys nomen fuit. Parthorum Arsacæ, & sic de cæteris, ita & eo modo omnes feminae fatidicæ Sibyllæ fuerunt apud Gentiles appellatæ. Quæ etiam causa est, quare tam varius Sibyllarum numerus tradatur a veteribus, dum alii

alii duas, alii tres, quatuor alii, sex, novem, decem, undecim, & plures alii memorant. Plutarchus quoque in *lib. de Pythia oraculis* eos refellens, qui negabant amplius Delphos superesse vim illam fatidicam, quod Pythia non, ut olim solebat, versibus, sed prosa, & pedestri oratione responsa daret; Sibyllam non esse nomen appellativum omnibus feminis vatibus comune, sed proprium unius demonstrat. *Quid refert*, inquit, *aliquis unam e feminis Sappho amatoriam fuisse dicat, an solam pertendat Sibyllam apto ad vaticinandum ingenio pradicam fuisse, an Aristonicem, & alias quot quot versibus vaticinatae sunt?* Ubi velim observes, quam aperte Plutarchus Sibyllam ab Aristonice vate alia distinguat, quod non faceret, si Sibyllam nomen esse omnibus fatidicis mulieribus comune putasset. His adde alium ejusdem locum ex libello, qui inscribitur *γυναικων ἀρεται*, quo ostendit eandem esse rationem virutum in viris & feminis. Nempe illic, ut Sappho in iis, quæ ad lyricam pœsim atinent, Anacreonti melico poetæ comparatur, una scilicet mulier particularis cum uno viro particulari; sic etiam Sibylla cum Baeide, ut vates una partico-

laxis

laris cum altero singulari vate componitur. Item ex verbis Dionis Chrysostomi in oratione 13 colligi potest: *Hæc ipsa*, inquit, & *Sibyllam invenieris*, & *Bacidem vobis divinaſſe qui quidem ambo fatidici*, & *vates boni fuerunt*. Ecce in duali numero Sibyllam, & Bacidem, ut duo humanæ naturæ individua, componit. Non possum, quin adscribam hanc in rem Pausaniæ locum, sed pessime verſum. tradit hic in Phocicis cap. 12.: Ε' π'ι ταυτη Δελφοί ſτασαν φαſιν Α'σαι τας γρηſµες ονομα Η' προφειαν Σιβυλλαν δε επιγληſιν, την προτερον γενοµανην. Ταυτον ταις µαλιſτα ὁμοιος ἦσαν αρχαιαν ευριſκον, ἣν θ'γατερα Ε'λλινες Διος και Λαµιας τοſ Ποσειδωνοſ φαſιν εἶναι, και γρηſµες τε αυτην γυναικων πρωτην καſαι, και υπο των Λιβυων Σιβυλλαν λειπον ονομαſτηναι. Η' δε Η' προφειαν, νεωτερα µεν εγερνεſ, φαſηται δε ομοιſ προ τη πολεµικη νικωνια και αυτη τη Τρωικη. Vertuntur hæc: *de quo ſaxo Sibyllam Herophilem oracula canere ſolitam Delphi tradidere: qua cognomine Sibylla nuncupata ab initio fuit, perinde atque aliam, quam antiquam fuiſſe comperi. Filiam Graci Jovis &c.* Satis manifestum non diſtingui in iſta verſione *Herophilem* ab antiquiore *Sibylla*; in qua

re.

re consistit totius loci sententia. Et res clarissima est ex ultimis loci verbis: *η δε η' ροφιλη, ποτερη μεν εκεινης, Herophile vero posterior illa. Quæ enim est εκεινη, nisi antiquior Sibylla, diversa igitur ab hac Herophile. Miror profecto tales versiones ita repeti identidem novis editionibus, nec tamen vel verbo declarari lectoribus earum vitium. Vertendum certe sic fuerat. In illa petra Delphi ajunt stantem cecinisse oracula faminam nomine Herophilem cognominatam Sibylla nomine, qua prius jam fuerat. Hanc inveni antiquam nomen minus fuisse, quam qua maxime. Filiam &c. Reliqua enim pertinent ad hanc antiquam Sibyllam, usque dum redit Auctor ad Herophilen. Sed & in Græcis Pausaniæ verbis, quibus ait *ὡς τῶν λιβίων Σιβυλλαν, Libyes Sibylla nomine eam appellasse*; hæsitare eruditos aliquantulum video. Nullam enim perspiciunt causam, quare primum *libyes* nomen feminae Græcæ dederint, & dein quare illi eam vocarint Sibyllam. Alterutrius saltem, inquiunt, aliquam dedisset rationem Auctor, ita discrete istic primam nominis illius inventionem, vel impositionem commemorans. Putant aliqui, tradidisse simpliciter Pausaniam Sibyllæ nomen*

men a nomine *Libyes* formatum litera L mutata in S. Sic Chaldaei, qui dicuntur a Græcis, & Latinis, sua lingua vocabantur *Chasdim*, quasi *Cusdim* a *Cuso* Cami filio. Sed miror ego, cur viri isti magni quidem, cum esset in promptu ritio, in hisce salebris excogitandis operam, oleumque consumpserint, nunquam enim in puræ Latinæ, ac Hellenisticæ linguæ Auctoribus istam L in S deprehendimus commutationem, sed potius L R sibi invicem solere aliquando locum cedere; unde non solum Attici dixerunt *Κριβανος* per *Κχιβανος*, sed Latini etiam Cantherus acceperunt a *Καντελος* lilium a *λιπιν*, vermis. a *ελις*, & propter eandem analogiam a *niger* dixerunt *nigellus* ab *umbra umbella* &c. qua de re dictum etiam fuit *conflacuit* per *confracuit*, ut inquit Varro *lib. I. de r. r.* Quod vero dicunt quoad Chaldaeos, qui in propria lingua dicebantur *Chasdim*, quasi *Chusdim* a *Chuso*, omnino est falsum, idemque est, ac in inepta ethymologia aliam ineptiorem constituere: nam Chaldaei ita dicuntur a Chaldo quodam primo eorum rege, qui Babylonem celeberrimam Urbem ad Euphratem fluvium ædificavit, ut Dicæarchus tradit in *vita*

Gra-

Gracia a Stephano citatus in voce *Χαλδαι*; non vero a *Chusdim*, quasi *Chasdim* a *Chuso*, ut inquiunt, Cami filio, illa enim ethymologia in analogiam peccat, nam *Chasdim* derivatur ab hebreo *Chesed*, a *Chus* enim non potest duci nisi *Chusim*, ut a *Lud*, *Ludim*. Ceterum, omissis hisce litigationibus, quæ nihili sunt; ideo dicemus Pausaniam *Libyam* nuncupasse *Sibyllam*, quod ex *Libya* in Græciam venerat. Et videtur tale quid velle Plutarchus ubi ait de Pythia: *quidam vero ajunt Maleona* (seu *Maleam* promontorium Peloponnesi in Regione Aphricæ) *eam appulisse, quum esset filia Lamia Neptuni filia*. Unde istud, obsecro? nisi ex opposita *Libya*, quo nomine tota Aphrica a Græcis dicta fuit, quum origo nominis esset ab Hebræis, nam Aphri dicuntur *Libym*; hinc etiam Ceres *Libya* dicta fuit, quod ex Aphrica fruges attulisset, in agrum Argivum. Unde diserte Euripides *Sibyllam* hanc *Lamiae* filiam *Libycam* fuisse tradidit in deperdita jam fabula *Lamia*. Unde & Lactantius ex Varrone *lib. I. Sibyllas* decem enumerans, *primam*, ait, *fuisse de Persis, cujus mentionem fecit Nicanor, qui res gestas Alexandri Macedonis scripsit, secundam*
Li-

Libycam ; *cujus meminit Euripides in Lamia prologo* , *tertiam Delphicam* ; &c. Conferri hæc debent cum Pausania , & ita liquebit Sibyllam , quæ ante *Delphicam* existit in Græcia , fuisse vere *Libycam* , immo & *Lamia* mater ejus ab eodem Euripide in *fragmento* istius fabulæ *Λιβυτινα* dicitur . Cæterum liquet ex hoc Pausaniæ loco , quomodo primæ inter Græcos Sibyllæ ; & proprie ita dictæ nomen per *επικλησιον* similibus dein feminis fuerit datum . Quot re vera nomina proferre possum propria , quæ tamen , si eorum significationem spectes , multis communia esse possunt , haud secus , ac quæ appellativa dicuntur . Innumera exempla hujus habeo : unum sufficiet , nomen istud *αθλοποιος* ; quod , cum significet hominem , omnibusque hominibus conveniat , tamen proprium fuit cujusdam athletæ , ut in Græcorum Aristotelis interpretum commentariis primus observasse Petitus adfirmat . Illud , inquam , nimis probabile ; tibi tamen si ea magis arridet conjectura , bene est , si non , uno halitu exufuslare , unaque litura illam potes expungere , aliâque excogitare . Sane si est , ubi ingenio ludum dare liceat , maxime in

inveniendis nominum originibus id cuius per-
missum arbitror. Quod studii genus, licet sola
conjectura nitatur, vixque certi aliquid habeat,
nescio quomodo tamen doctissimum quemquam,
& ingeniosissimum mirifice oblectet: adeo ut ne
gravissimi quidem Philosophorum sibi temperare
potuerint, quin eo ludi genere inter altissimas
philosophiæ disputationes animo suo indulge-
rent. Sic Plato in *Cratylō*, sive *recta nominum
ratione*, multarum origines dictionum persequitur;
sed ea licentia, ut tota illa tractatio ludicræ po-
tius exercitationis ad solam animi voluptatem com-
paratæ, quam seriæ occupationis speciem præbeat:
ita ut, quæ ibi affert, levia, & frivola acutius ex-
cutienti deprehenduntur. Neque in hoc genere
gravior, aut solertior videtur Aristoteles, vel
etiam Plotinus, cæterique sapientiæ antistites, quī
modo aliquid, quod ad propositum alludat, di-
cunt, parum id, verum an falsum sit, curant.
Sed hæc teneo de Sibyllæ etymo. Venio nunc ad
difficiliorem investigationem, nempe *de Sibyllarum
numero*. Plinius *Histor. Nat. lib. VII. 33. de
divinitate*, Diodorus Siculus *lib. IV*, Strabo *lib.*
XIII.

XIII. cap. 17, Theophilus Antiochenus, Celsus, Lucianus, Juvenalis, Aulus Gellius, alique de Sibylla in numero singulari, *Daphne* scilicet, vel cui *Manto* nomen fuisse perhibet Suidas, loquuntur. Joachimus Oudaan post Martianum Capellam duas Sibyllas, *Herophilem* nempe, & *Symmachiam* fuisse contendit: locus autem Marciani sic sonat lib. II: *Sibylla vel Erythraa quaque Cumæa est, vel Phrygia: quas non decem, asserunt, sed duas fuisse non nescis, id est, Herophilem Trojanam Marmensi filiam, & Symmachiam Hypponensis filiam, quæ Erythraa progenita, etiam Cumis est vaticinata.* Tres tantum extitisse memorie prodiderunt alii, Philetas Ephesius tres numerat, inquit Erasmus in Adagiis: Sibyllam unam Apollinis Sororem, alteram Erythræam, tertiam Sardinianam. Sed replicate magis opinionem illam alii proponunt: Cumanam nempe, quam Cumis olympiade L. vaticinatam fuisse, ejusque facellum ad nostra usque tempora visum, verum incendio Puteclano anno salutis M. DXXXIX. terra obrutum fuisse perhibentes: Delphycam alteram, quæ ante Trojana tempora vixit: tertiam Herophilem,

quæ paucis post annis Delphicam secuta , Lesbyis
 vaticinia protulisse fertur . Clemens quoque Ale-
 xandrinus *Strom. lib. I.* tres tantum adstruit Si-
 byllas , sed licet quoad numerum cum Phileta
 Ephesyo coincidit , quoad nomina tamen discre-
 pat , nam quas hic *Cumanam , Delphicam , &
 Herophilem* vocat ; his Samiæ , Erythrææ , & Phry-
 toni nomen fuisse asseveranter ille adfirmat . *Ælia-
 nus Var. Hist. lib. XII. cap. 35.* cum Pau-
 sania quatuor fuisse Sibyllas existimat , Erythræam
 nempe , Samiam , Ægyptiam , & Sardoniam .
*Sibylla , inquit , sunt quatuor , Erythraa , Samia ,
 Ægyptia , Sardoniana . Quidam dicunt etiam alias
 sex fuisse , in quibus fuerit , & Cumana , & Ju-
 dea .* Lactantius tandem , ut de cæteris receam ;
 decem fuisse tradit ex Varrone , easque , hoc mo-
 do in *de falsa Religione* libello enumerat : Cæte-
 rum , inquit , *Sibyllas decem numero fuisse easque
 omnes nominavit (Varro) sub Auctoribus , qui de
 singulis scripserunt : primam fuisse de Persis , cu-
 jus mentionem fecerit Nicanor , qui res gestas Ale-
 xandri Macedonis scripsit : Secundam Libyssam ,
 cujus meminit Euripides in Lamia prologo : tertiam*
Del-

Delphicam, de qua Crisippus loquitur in eo libro, quem de Divinatione composuit: quartam Cummaam in Italia, quam Nevius in libris belli punici, Piso in annalibus nominat: quintam Erythraam, quam Apollodorus Erythraeus affirmat suam fuisse civem: eamque Graiis Ilium petentibus vaticinatam, & perituriam esse Trojam, & Homerum mendacia scripturum. Sextam Samiam; de qua scripsit Erathostenes in Antiquis Annalibus Samiorum reperisse se scriptum. Septimam Cumanam; nomine Amaltheam: qua ab aliis Demophile, vel Herophile nominatur: eamque novem libris attulisse ad Regem Torquinium Superbum, ac pro eis recentos aureos postulasse, Regemque aspernatum pretii magnitudinem derisisse mulieris insaniam. Etiam in conspectu Regis tres combussisse, ac pro reliquis idem pretium postulasse, qua denuo, tribus aliis exustis, cum in eodem pretio perseveraret, motum esse Regem; ac residuos trecentis aureis misisse, quorum postea numerus fuit auctus, Capitolio re-fecto. Quod ex omnibus civitatibus & Italicis, & Graecis, & praecipue Erythraeis coacti, allati-que sunt Romam, cujusquumque Sibylla nomine fuerunt: Octavam Helleponticam in agro Trojano
F 3.
natam,

natam, vico Marpesso, circa oppidum Gergithium:
 quam scribit Heraclides Ponticus Solonis, & Cy-
 risuisse temporibus. Nonam Phrygiam, qua vaticina-
 ta fuit Ancyra: decimam Tiburtem, nomine
 Albuncam, qua Tiburi colitur ut Dea juxta ri-
 pas annis Anienis: cujus in gurgite simulacrum
 ejus inventum esse dicitur. tenens in manu librum.
 Cujus Sacra Senatus in capitalio transfulerit. Isi-
 dorus Hispalensis etiam statuit decem numero fuis-
 sa Sibyllas: sic de illis scribit. Origin. lib. VIII.
 c. 8. Decem autem Sibylla a doctissimis Auctoribus
 traduntur fuisse, quorum prima de Persis fuit:
 secunda Libyca: tertia Delphica in templo Delphi-
 ci Apollinis genita, qua ante Trojana tempora
 vaticinata est, ejusque pluximos versus operi suo
 Homerus inseruit: quarta Cimmeria in Italia:
 quinta Erythraa nomine Herophila in Babylone orta,
 qua Gracis Ilium petentibus vaticinata est peritu-
 ram esse Trojam, & Homerum mendacia scriptu-
 rum. Dicta autem Erythraa, quia in eadem insu-
 la ejus inventa sunt carmina: sexta Samia, qua
 Samonota dicta est a Samo insula, unde fuit co-
 gnominata: septima Cumana nomine Amalthea,
 qua novem libros attulit Tarquinio Superbo, in
 qui-

quibus erant decreta Romana conscripta : ipsa est
 & Cumaa, de qua Virgilius :

„ Ultima Cumæi venit jam Carminis ætas .

*Dicta autem Cumana a Civitate Cumis , qua est
 in Campania , cujus sepulcrum in Sicilia adhuc
 manet : octava Hellepontica in agro Trojano nata ,
 qua scribitur Solonis , & Cyri fuisse temporibus :
 nona Phrygia , qua vaticinata est Ancyra : decima
 Tiburtina , nomine Albunea . Locus hic Isidori
 licet quoad Sibyllarum numerum cum Lactantia-
 no coincidit , in nonnullis tamen a Lactantio dis-
 crepat , quod perpendendum tibi relinquo , dum
 quidquid de illis scripserit Suidas magis heic exhi-
 bere mihi lubeat . Hic licet decem numero fuisse
 cum Lactantio , Isidoro , aliisque existimet , mul-
 ta tamen alia narrat , quorum Varro , Lactantius ,
 Isidorus non meminere . Pater inquit , Sibylla Be-
 rosus vocabatur , mater autem ejus Erimanthe . Si-
 bylla Chaldaea , qua quibusdam Hebræa nominata : qua
 & Persica , proprio nomine Samberthe dicta , ex Beatif-
 simo Noe oriunda , qua de rebus Alexandrum Ma-
 cedonem spectantibus , prædixit : cujus meminist. Nica-*

nor, qui *Alexandri vitam* historice conscripsit. *Qua*
mille res de Domino Christo prädixit, & de ejus
apparitione. Imo & cetera cum illa consentiunt
quantoquidem ejus extent 24. libri tractantes de
omnibus populis, & regionibus. Porro numerum
Sibyllarum recensens, dicit. Tertia Delphica,
qua Delphis nata Sexta Samia, qua proprio no-
mine Phyto dicta. Septima Cumana, qua etiam
Amalibaa, & Hierophile nominata. Octava Hel-
lespontica nata, vico Marmisso prope oppidulum Ger-
gytium. Qua olim fuere in Troade tempore Solo-
nis, & Cyri. Item de Sibylla absolute agens di-
cic. Sibylla Appollinis, & Lamia fuit filia se- un-
dum quosdam Aristocratis, & Hydolis. Vel ut alii
Krinagora, vel ut Herprippus, Theodori. Erythraa
dicta eo quod in Erythrorum loco Batti dicto nata
sit, nunc vero locus ille in formam urbis extru-
ctus, Erythras vocatur. quidam Siculam, alii Sar-
diam, alii Gergethianam, alii Rhodiensem, alii
Lybissam, alii Lucanam, alii Samiam putarunt:
Porro sic Suidas. Sibylla Helissa scripsit versibus
Divinationes, & oracula. Sibylla Cholophonia, qua
vercata fuit Lampusa filia Catchantis, etiam carmi-
nibus scripsit divinationes, & oracula aliisque. Si-
bylla

bylla Theſſalica , qua etiam Manto vocata , filia
 Tireſia fuit . Sibylla , qua e nonnullis Sarbis dicta ,
 a nonnulis Caſſandra , vel ab aliis Taraxandra ,
 etiam oracula conſcripſit . Sibylla Cumæa , & Sibyl-
 la Theſprotica ſimiliter oracula conſcripſerunt . Hæc
 Suidas . Sed in multis ſcriptor hic a Lactantio ,
 & Iſidoro diſcrepat , ideoque velim ad hæc Suidæ
 loca egregias D. Blondelli obſervationes attente
 perpendes : , ecce igitur ſecundum ejus (Suidæ)
 computationem , duas Sibyllas Martiani Capellæ ,
 tres Clementis Alexandrini nempe Samiam , Ery-
 thræam , & Phrythonem , quatuor Æliani ſcilicet
 Erythræam , Samiam , Ægyptiam , & Sardiā : quin-
 que Lactantii , & qui illum ſecutus eſt Iſidori , nempe
 Libycam , Erythræam , Samiam , Hellesponticam , &
 Phrygiā ad unam redectas . Pauſanias , qui Libycam
 ab Erythra diſtinguit alio pacto enumerat , dicens
 Phrygiā , Samiam , Colophoniam , Delphicā , &
 Erythræam unam . , eandemque fuiſſe Vatem , ſed
 quæ diverſis habitavit in locis . Martianus Capella
 ſuo modo computat Erythræam Cumææ jungens .
 Juſtinus Martyr pro eadem accipit Babyloniam ,
 & Cumanā , uti etiam Iſidorus Hiſpalenſis poſt
 illum , qui de Mirabilibus Auſcultationibus apud

Aristotolem scripsit: & idem Isidorus errat, antea
 merans Erythræam (quæ in continenti erat, & Re-
 gione Chiò) insulis; ita etiam necessum plane ejus
 Samonota in fumum abeat. Suidas existimans (post
 Justinum Martyrem) Sibyllam Chaldaicam esse fi-
 liam Beroſi, aliquo modo consentit cum Pausania,
 qui eam ultimo loco collocat, sed directe sibi re-
 pugnat, dicentem illam esse filiam Noachi, Ale-
 xandroque fuisse antiquiorem: repugnat Varronis
 apud Lactantium sententiæ, qui Persicam (quæ
 fuit Chaldaica) antiquissimam judicavit. Sibi etiam
 contradicit scribens Erythræam (Cyrillus lib. I con-
 tra Julian. dicit Erythræam IX Olympiade exitiſ-
 se, distinguitque illam ab Herophile, quam XVII
 Olympiade vixisse statuit) quadringentis octuagin-
 ta tribus annis bello Trojano fuisse posteriorem: qua
 opinione ad Eusebii sententiam accedit, qui in
 chronico sub regno Romuli illam collocat, qui
 regnare coepit quadringentis uno, & triginta an-
 nis post captam Trojam, pagina enim sequenti
 concedit Trojano bello anteriorem, & sic Driny-
 sii Halicarnassæi, qui illam ab Ænea consultam
 statuit, ut & Lactantii opinionem confirmat, qui
 illam Græcis obsidionis eventum prædixisse nar-
 rant,

rant, itmo & Solini; qui illam Delphica, quæ ante Græcorum expeditionem vixit, paucis annis posteriorem observat. Clemens Alexandrinus pro certo statuit, Delphicam, quam Artemida Lamiæ Sidoniensis filiam nominat, Orphei tempore priorem, qui Argonautarum partibus adhæsit septuaginta novem annis ante bellum Trojanum. Attamen Diodorus Siculus, qui illam Daphem Tiresiæ filiam vocat, quinquaginta duobus annis post, Thebis cum patre ab Epigoni vult fuisse captam. Diodorus asserit eam ab illis Delphis stabilitam, Pausanias ex Asia Delphos, Plutarchus ex Helicone venisse, eamque fuisse Lamiæ filiam. E contra vero Isidorus, & Suidas Delphos ipsi locum natalem fuisse contendunt: hic, qui illam Mantonem Tiresiæ Thebani filiam vocat, Geographiæ suæ oblitus videtur illam Thessalicam nominans, ac si Beotia, & Thessalia loci vicini, eadem fuerit terra: quod etiam de Lampusæ Colophonis Calchantis filia scribit, & Pausaniæ adversatur, qui titulum Sibyllæ Colophonis Herophilæ ex Jove, & Lamiæ oriundæ assignat, & probabilitati, quæ non admittere videtur, Calchantis Europæi, qui Græcos fuit comitatus, filiam fuisse Asiaticam.

Vir.

Virgilius Cumanam Deiphoben Glauci filiam vocat, eamque Aeneae coetaneam facit. Sed inter Scriptores nec de ejus nomine, prosapia, aetate, quam longe posteriorem volunt, convenit. Hactenus Doctiss. Blondellus. Hæcque ad Suidæ loca sufficere puto. Ut porro quod de Sibyllarum numero dicendum restat, absolvam, notes velim præter decem illas supra laudatas Sibyllas, multo plures a nonnullis enumerari. Ego interim, ut meam hæc de Sibyllarum numero sententiam expediam, dicam, me non posse quicquam Lactantio, qui decem enumerat contradicere tot, tantorumque Scriptorum testimoniis stipato. Confirmant enim & eam sententiam quæ plurima memorantur haud dubie ex Vetustissimorum Auctorum monumentis collecta. Verum ex altera parte, nec valeo argumentis illis non in speciem modo probabilibus, sed justis quibusdam rationibus roboratis repugnare, quæ Sebastianus Castalis vir singulari ingenio, & eruditione rara prædictus mihi præbet, ut in ejus me trahat sententiam, qui quicquid Sibyllarum nomine fertur, ab una profectum affirmat. Quod Platonis quoque, Plutarchi, Pausaniæ aliorumque Scriptorum, Ciceronis præsertim auctoritate confirmare conatur,

ratur, qui nusquam de Sibylla, nisi ut de singulari femina loquitur. In quo non levis fateor, mihi exoritur scrupulus. Cum enim M. Varro, ut visum est, decem fuisse Sibyllas scripserit, mirum sane videri possit, nihil de eo numero unquam a Cicerone proditum fuisse: neque hanc Varronis sententiam de numero Sibyllarum illum latuisse verosimile est. Cur igitur hujus non saltem meminit in libris de divinatione? Si vellet meminisse, non alius opportunior erat locus. Quæ igitur silentii causa? negligentia? non credo, quid igitur? Oblitus hujus mentionem facere? ne id quidem. Nihil video probabilius, quam non putasse hanc opinionem dignam, cujus aliquam rationem haberet. At Varro, ut fere omnes, qui eruditionis & πολυπραγμοσύνης amore ducuntur, omnia, quæ uspiam legisset sive vera, sive falsa studiose colligebat, ne multorum conditor voluminum diceretur. Quo sane fiebat, ut utilibus, & scitu dignis quædam, ut Gellius de eo prodidit, congereret frigidiuscula, ut quæ in Hebdomadibus de numero septenarii potestate commemorat. *Septem opera esse in orbe terrarum miranda, & sapientes item veteres septem esse: curricula ludorum Circensium solemnia esse septem*

piem : ad oppugnandas Thebas duces septem electos :
 se quoque duodecimam annorum hebdomadam ingres-
 sum esse : & ad eum diem septuaginta hebdomadas
 librorum conscripsisse . Hæc & alia id genus frivo-
 la Varro , ne quid , quod in Literis esset , in-
 ætatum reliquisse videretur . Cæterum absit hæc va-
 nitas a nobis , ut putemus in iis omnibus , quæ
 ab aliis prodita exciperet , volu isse obstringere fi-
 dem suam . Unde ut facile credo unam tantum
 non extitisse Sibyllam ; ita nolo illis subscribere ,
 qui decem , vel plures enumerant ; quicquid tandem
 sit melim in illos pedibus ire , qui duas solum
 aut quatuor , extitisse tradidere . Quibus jam de
 Sibyllarum numero statutis , deberem modo quæ
 illarum patria , nomina , ætas , ac parentes fuerint
 declarare . Verum hac de re sufficient tibi certe ,
 quæ supra Lactantius , Isidorus Hispalensis , Sui-
 das , alique dixerunt . Quid enim in tanta Scripto-
 rum turba hinc inde inter se tam acriter digla-
 diancium , certi a me , vel verosimilis expectes ? res
 est adeo incerta , tamque atris tenebris involuta
 ut ipsum eam velle inquirere , sit magis obtegere .
 Esto itaque illud aliorum , quibus audacior effe-
 ret in pectore animus , curæ relictum , dum ego
 heic

hec tibi de Sibyllinis potius oraculis perpauca demum tradere instituo. De illis multa olim Gentiles, & Christiani memoriæ prodiderunt, quid de illis statuerunt, non est hujus loci, nec nunc vacat referre. Hoc dicam me nullo modo adduci posse, ut credam illa genuina esse, quæ nunc illarum nomine circumferuntur carmina: quis enim crederet gentiles voluisse in prophetissarum numerum admittere quæ se scortum, ac prostibulum fuisse fateretur? Unde illa *lib: VII. in fine* cum horrore, & tremore judicium futurum sibi ante oculos ponit ob infractionem fidei conjugalis, & ob impurissimam ejus ante actam vitam. Sic locus ille sonat in tua illa, qua in octo Sibyllinorum carminum libros raptim quondam istic (*Acherontia*) soluto metro italica versione lusisti, cui postquam asciam, & limam illam typis dare promittis.

*poichè non sol per voglia;
 Ma per dispetto a delinquir mi accesi.
 Già mille volte il marital mio letto
 Sfrenata profanai; nè un sol momento
 Dello sposo agli amplessi io mi donai.
 Spergiura nel mio cor; pur colla legge*

SA-

*Sagra del giuramento a' serbar fede
 Gli altri obbligai, Sempre prescelsi i forti,
 Nelle lutto di Amor, e dal lor seno
 Mille delizie io colsi ne' ridenti,
 E molli campi di dolcezze amici,
 Confidente, che il Ciel non mi ebbe à male:
 Perciò del fuoco espiatore in seno
 Consumando mi perdo, già conquisfa
 Dal tempo struggitor degli anni miei.*

Hæccine Lupa; & profligatæ pudicitia meretrix
 futurorum præscientiam apud Gentes sibi adeptam
 dicenda? Talis si Paganorum fuisset Sibylla, non
 adeo fuisset inter illos laudata, & decantata, quip-
 pe qui fornicationem, & adulterium summopere
 execrabantur. Quid quod plena sint mendaciorum
 hæc spuria Sybylliua oracula, & Sacra Scriptura
 contradicant? Moses narrat Noacum in arca degisse
 annum integrum, Sibylla vero illa fictitia tantum
 per XLI dies illum in Arca fuisse canit. Etiam
 ἀντρυπαρον est quod dicit de monte Ararat, illum
 in Phrygia situm esse, eumque primum post di-
 luvium emeruisse. Falsum item est, dum cum Japhe-
 to marito suo, cum socero, fucruque in Arca se
 fuisse

fuisse diluvii tempore predicat, si enim verum hoc, oportet Mose illam priorem extitisse, quod, præter quia in omnium præsertim scriptorum opinionem impincit; nescio quomodo cum ultimis illis *lib. VII.* versibus, quibus illa *de sancta Christis stirpe se genitam* dicit, conciliari unquam possit. Si itaque Christianus auctor hic fuit, quomodo cum Noaco fuerit in Arca? S. Lucas nobis ejus denominationis originem indicat *Actor. cap. XI. lib. 26.*, & in Antiochia primum discipulos vocatos fuisse Christianus docet. Quomodo itaque Christianos cum Noaco in Arca fuisse quispiam credat? nonne hoc plane ridiculum, ante natum Christum, ante ejus mortem repertos Christianos? Auctorem autem horum carminum fuisse Christianum, vel Christo saltem posteriorem, vel hinc patet, quod multa narrat, quæ nonnisi post Christum natum contingere. Qualia sunt dum Messias introducit a Sibylla omnia verbo faciens, & omnem morbum curans. Sic ubi illius miracula de mortuorum resurrectione, ac de claudorum, surdorum, aliorumque quolibet morbu laborantium in pristino statu restitutione. Sed hæc minus dura. Expendas velim, an credibile sit

ante

ante eventum Sibyllam aliquam prædixisse, Christum quinque panibus, & duobus piscibus in deserto quinque millia hominum faturaturum, & duodecim cophinos de residuis fragminibus implendos. Atqui si Lactantio *lib. IV. de vera sap. c. 13.*, & aliis credimus; hæc Sibyllinis carminibus jam olim prædicta. Sic sane Christum ventos imperaturum, mare constraturum, & calcaturum, morbos quosvis curaturum, mortuos excitaturum clarius omnibus Prophetis, Sibyllinis carminibus prædictum. Adde & quæ *eodem libro* recenset Lactantius, Sibyllas jam olim vaticinatas a Christo solvendam legem, illum in impiorum manus tradendum, cædendum, conspuendum, corona spinea redimiendum, felle, & aceto potandum, velum templi scindendum, tenebras trihorio incubituras, ista omnia Christum summo silentio in facerrimo corpore excepturum, non resurrecturum tantum, sed & resurrectione sua morti terminum impositurum post tridui somnum, & primitias resurgentium futurum. Et o præclaras Sibyllæ prophetias omnium quidem sæculorum admiratione dignissimas! an iuxta similis ulli Prophetarum affusa circa Christum mediatorem? cui non mera nox, mæra tenebræ

bræ videbuntur illorum scripta præ hæc luce? an non vilescant eorum vaticinia præ talibus? qui sic Evangelium *μυστηριον αποκρυπτεμενον απο των αιωνων*, si hæc jam olim extitere inter paganos? non itaque hoc modo dicendum esset, prædictiones de Christo clariiores a Sibylla, quam a Prophetis editas? Esaias dixit, Virginem parituram, Sibylla hæc ficta: *Maria Virgo pariet Jesum in Bethlehem*. Prophetæ itaque non norunt tam elacte omnes circumstantias, nomina propria personarum, de quibus vaticinantur; quæ tamen a Sibylla tam recte indicata, ut non dubitem, quin auctor hic, quisquis ille fuerit, vel suo tempore viderit, vel ex aliis audiverit, aut in Evangeliiis legerit: quomodo enim prædixisset de bapthismo Christi in Jordane, & descensu Spiritus S. sub forma columbæ, cum ne Prophetæ quidem ea prædixerint? Clarius ne illam Prophetarum hæc de Christo annuntiasse credendum? absit hoc. Sunt illa ergo potius euremata virorum piorum quidem sed minus prudentium, qui bono zelo, sed sine scientia in illas artes jam olim incubuere, ut Gentiles ad fidem Christianam eo facilius adducerent. Merito itaque talia a Casaubono summo viro in *exercitationibus, Baronianis* exploduntur. Et miror pro-

profecto mortalium quempiam adeo unquam ab-
 jectæ fuisse credulitatis, ut aliter sentiret. Hæc ve-
 lociter, mi carissime Scipio, quantum pluma potest
 volare: unde scires quid in me, ut maxime occu-
 patum, tuæ literæ valeant. Vale interim, mi Fra-
 ter, & me, quod facis, ama.

NEAPOLI Kalendis Decembris:
 Anno ara Christiana .
 MDCCCXC.

V19 d
 4517225



117.
C.
73.



Vib

X